

四庫全書

集部

欽定四庫全書

集部

雙溪醉隱集卷一

詳校官中書

臣徐志晉

侍讀

臣孫球覆勘

謄錄監生

臣秦澐

欽定四庫全書

集部五

提要

雙溪醉隱集六卷

別集類四元

臣等謹案雙溪醉隱集六卷元耶律鑄撰鑄字成仲遼東丹王九世孫中書令楚材之子也累官中書左丞相卒追贈懿寧王諡文忠事蹟具元史本傳楚材佐元太祖太宗平定天下立綱陳紀皆出其所規畫鑄少而聰敏

尤工騎射從憲宗征蜀累建功績後三入中書定法令製雅樂多所裨贊經濟不愧其父而文章亦具有父風故元好問李冶諸人皆與相款契然楚材湛然居士集尚有鈔本而鑄集久佚不傳藏書家至不能舉其名氏惟明錢溥內閣書目有耶律丞相雙溪集十九冊亦不詳其卷目檢勘永樂大典所收鑄雙溪醉隱集篇什較夥有前集新集續集別集

外集諸名又別載趙著麻革王萬慶諸序跋
乃為鑄少年之詩名雙溪小藁者而作是所
作諸集本各為卷帙頗有瑣碎之嫌謹裒集
編次都為一集而仍以雙溪小稿原序原跋
分繫首末用存其縣鑄早從征伐足跡涉歷
多西北極遠之區故所述塞外地理典故往
往詳核如据和林城唐明皇御書闕特勤碑
證新舊唐書作特勤之誤處月丁零二注辨

論頗詳此類皆有裨於考證又其家在金元之間累世貴顯諳習朝廷舊聞集中如瓊林園龍和宮諸賦敘述海陵章宗軼事及宮室制度多金史所未及其他題咏亦多關係燕都故實而帝京景物畧諸書均未紀錄亦足以資博識也至於金史耶律履傳元史耶律楚材傳均不著其里貫於史例頗為不合今考鑄寓歷亭詩註云予家遼上後家醫無閭

又五湖別業詩註云余先居和林後寓隗臺
今卜築縉雲五湖別業叙其遷徙之跡頗詳
是尤足以補史之闕矣乾隆四十六年九月
恭校上

總纂官臣紀昀臣陸錫熊臣孫士毅

總校官臣陸費墀

原序

中書省掌書記李暉一日袖書一編詣余曰此雙溪之歌詩也即公蒙年所為者約千首且十竊其一焉兼附近作共得一百五十餘篇離為五卷目之曰雙溪小藁今欲廣傳之庶在綺紈者見而思齊焉因之可以起吾風之已僨者也請子文以引其端幸毋讓余受而觀之見韁龍輓鳳鞭虬笞鼇以求其變極其所變而發諸心思則羅雲縠月紉秋藻春以盡其情

嘻實天下之奇作也如金極夜延螢燭暗翠簾風宰
月鈎閒此時年十五耳兩漢水乾秋飲馬五南霜重
夜屯兵此又十七時語也蓋天與其性發言便高公
諱鑄字成仲雙溪自號也公以東丹王之後右丞文
獻公之孫中書令玉泉老之子鑠盡貴氣屈已以下
人刮去驕佚折節以讀書及所為詩文又如此在天
地間宜易得哉故樂為之引甲辰年上巳日龍山居
士鴈門呂鯤書

詩之為義也大矣哉三百篇而下離騷經得風雅之變
秦亡漢興王澤未遠元鼎已來河梁之別始作得離騷
之變也黃初綿絡以至於大業之際詩文比比而出大
名於世者亦不可多得漢有蘓李魏有曹劉晉有潘陸
宋有陶謝而已是故遺風不泯焉武德再造徐庾淫靡
尚且存焉為陳子昂一變而至於魯為李太白杜子美
再變至於道退之後來使文起八代之衰道濟天下之
溺於文章慎許可至於歌詩獨推之曰李杜文章在光

燭萬丈長及乎天寶亂息大厯元和詩律再變以至今
日矣嗚呼風雅不可復得見唐人之餘烈斯可矣雪浪
齋日記有云建安纔六七子開元數兩三人則所取其
難如此又云書止於晉詩止於唐誠不誣矣若李若杜
若韓若柳豈愧六朝諸賢歟國朝自取魏以來詩人益
盛余嘗在貞祐季年親見玉泉大老懷親詩云黃犬不
來愁耿耿白雲望斷思依依欲憑鱗羽傳音信海水西
流鴈北飛又云黃沙三萬里白髮一孀親腸斷邊城月

徘徊照旅人所以見哀思之情極矣又和人詩云仁義
說與當途人恰似春風射馬耳此見感憤之懷亦以極
矣思之有以見唐人餘烈焉雙溪成仲即玉泉中令君
之子也生長北溟十三作歌詩下筆便入唐人之間與
嘗作高城曲云城高三百尺枉教人費力賊不從外來
當察城中賊又日將出帶將來小胡笳擬回文暮春曲
磨劍行春夜吟獨倚門之類皆十三時作也又陰不雨
惜花吟琵琶詞公子行廣陵散十五六作也又贈坐竿

道士水平橋題藍采和早行吟十八九作也又山市吟
暮春對花寄故人題牧牛圖二十一二作也則知興寄
情趣前人間有所不到者此詩向時往往傳至燕臺人
初未甚信及其去歲秋八月來自北庭大葬既已明日
首禮於香山寺元呂及余從行禮成長老拂几捧硯請
各賦詩雙溪即書古詩云渺渺入平野悠悠到上方雲
開見天闕回首超凡鄉元呂垂書余亦落筆既而雙溪
復次元韻云人去豪華山好在夢回歌舞水空流又次

余韻云翠輦不迴天地老白雲飛盡海山秋時已夕矣
不及次呂之韻會九日登瓊花島用呂香山詩韻留題
云蓬萊宮殿遺基在休對西風子細看及載觀次韻之
作如蘭依修竹菊映青松輝彩省淨氣韻深長便覺首
倡大似落絮飛花雖有流風回雪之態豈能倫擬未幾
復書途中之所作云松聲曲春雪謠蟄龍行雨圖休嗟
行路難大傳燕市使向之未甚信者私用慚作自是與
燕士大夫唱酬無虛日每一篇出識者益增歎服不及

悉書俱在前帙或謂余曰雙溪自十三以至今日方二十有餘便入唐人之間與而雕蟲篆刻白首坐牕見之者莫能何謂也余曰且騏驥墮地一日千里駑駘百歲十駕而始至分也又何足怪歐陽文忠公有云能以技自顯於一世亦悟之天非積習致然信哉愚謂源深者自長矣向玉泉作懷親詩時亦是方冠之餘今雙溪思親三絕云一上居庸萬里心又一聲長笛野雲秋又云躊躇搔首無人會時下樓來却上樓有是父有是子良

然繼作甕山有感三絕云仙佩飄飄駕彩鸞感之至也又雪後吟立春前一日曲情之至也春日登蓬萊島頸聯云既解寶藏秦照膽也須珍惜漢吹毛用事之至也過故宮云柳陌風來雪滿沙理之至也擬古云水涵春色柳涵煙半是人間半是仙境之至也以代留別余云燕南春色老燕北草初肥露冷野花瘦月明江樹稀又云芳草不隨鶯燕老好山依舊水雲深遠之至也惜乎李子取之不多詞彩風流皆可備

於管絃矣其容雅而體閑意深而情婉氣修而色粹調
逸而聲諧抑之則紆餘委備揚之則條達疏暢得不蕩
搖情性者哉執此過余求為後引懇切再四義不可辭
此非小道實文章之菁華也可以意名難以言狀噫古
今之人惟貴耳而賤目特異者廼見此耳不然安能結
天下識者之舌也其經國圖遠之畧推賢去惡之心而
已形諸歌詠余雖老矣猶可拭目而待續勒銘於雙溪
未晚云趙著序

中書大丞相之子有奇名善為詩余在朔方時嘗見其
一二駭喑以為異及獲觀雙溪小藁始信嚮所傳不謬
云趙虎岩呂龍山世雄於歌詩為之序引甚條余辭其
贅歟古人嫌其少作往往削藁不傳如李賀七歲賦高
軒過迄於今傳誦亶亶在人口不能廢則少作何負乎
况雙溪相門子生長北庭戎馬間甫十餘歲已能為歌
詩至於斯嘻亦過人遠甚搏而躍之有激頽俗可無傳
乎門下生秦人李曄明之實為倡而我曹又和之其傳

蓋無疑今雙溪已嗣行中書事將見沛然為文黼為卿
雲蒸為雨露以芘澤其天下此特土苴耳雖然源於細
流迺成江漢則是集其權輿乎固不可以不志麻革序

欽定四庫全書

雙溪醉隱集卷一

元

耶律鑄撰

賦

天香臺賦

余作此賦會姪子輩通傳諷詠往往質問其所疑予時有疾

音疾音

之疾未間及為酒所

困倦於應對因命書史為音注應其所請以

示之

雙溪醉隱嘉遯西園而杜私門之請偃蹇棲遲縱適放
言愜高蹈養恬之勝地葆光頤真之靈境綠野斯營素
意是逞一花一草親移自植計日成趣唯天香臺牡丹
為盛婉若羣仙亂摘雲錦珠樹相鮮瓊枝相映英華外
發風標天挺精彩相授逸態橫出儼保靈和恩華榮命
含情延引流風迴穴流風一作遊風宋玉風賦迴穴
錯迕善曰迴穴即風不定貌也競
笑應譏幽人逕庭莊子大有逕庭逕音勑定切蓋吳人
呼勑為別與他定切同李云逕庭激
也過國色天香獨占韶光澄心定氣延視迫察知其不妄

進號貴客名為花王

十客圖以牡丹為貴客

維此姚黃

洛陽花木記曰姚黃

千葉黃花也色極鮮潔精彩射人有深紫檀心近瓶有青旋一匝與瓶同也開頭可八九寸許甚有高潔之性

道山居士錄曰近心葉細無藥亦有淺檀肥盛時中心有綠葉三面而踰寸謂之綠蝴蝶 穆穆皇皇

臺隸衆芳真其王也

錢思公嘗曰人謂牡丹花王今以姚黃真王也魏紫乃后也故有姚

王魏后之號見花譜又曰洛人以姚花為王魏花為后誠善評也

應道無私應化無方

知隱知顯知變知常

異人錄曰牡丹變易千種

遲留煙景蔭樾昭陽

吸風飲露雲卧霓裳魏后延佇

魏后見上註

醉妃小立

醉妃紅見

海山記

欲與相扶倚風無力凝笑為容爭妍取媚醒酒香

艷懶晴天氣翠袂揚袖

弋示切

柔玉鏤刻

玉鏤碧見花木記

仙衣

成削縷金絲織

金絲緋見麗珍牡丹品

昭著風流分外旖旎臭味

幽遠容止閑麗素女掩嫖

音護

不足程式蘭香失氣綠華

無色脫落塵凡泮真姱邁表景異致揄揚勝概靈貺彌

彰運鍾盛代誕膺王者之稱良有后妃之配英奇特秀

望塞華域姿色俱絕勢傾人國靡曼則如此光大則如

彼不以純懿盡在于已承天賜之優華

天賜紫見總叙牡丹譜

騰

芳聲于勝日擅天外之奇名

天外黃見海山記

豈花中為第一

尤姿英艷道潤金璧姿有餘妍艷有餘美氣不可奪操
不可易名有餘香風有餘味炎而不附寒而不棄遠之
不怨親之不比動無所趨靜無所避色無所沮心無所
覲繇無慮而無營故無愠而無喜守所抱之天真任自
然之榮悴信靈根之有託冠四時而為最

靈根紅見麗
珍牡丹品燕

南牡丹期在較雨前後北地高寒常
開在夏日又有秋日牡丹冬日牡丹

宜其奕葉扶疎宜

其名華盛大積于中者必形諸外承休之徵于是乎在
於穆令聞曾是不已得無令人渴見風彩有絕其倫有

拔其萃唯道是從惟神是契不因物而顯不附物而起

何玉立而不羣何中立而不倚偉英靈之間氣呈盛世

之上瑞

牡丹有瑞雲瑞露之名

感鍾美于所天多化工之為地千

葩萬卉雲屯霧積

子智切

煙披雨沐擁階抱砌如屏氣動

色駢肩疊跡於朝會者尤知花王之榮貴倚扇成陰

倚扇

孫氏瑞應園曰瑞草也一名楚脯王者孝德至則生枝多葉少根如絛綸而生風主驅殺蟲靈

地錦交

展

地錦花名見花木記

天幕旁垂雲帷高卷御袍浮動

御袍黃牡丹見洛陽

花木記千葉黃花也色與開頭大率類女真黃

異香冶艷

異香牡丹見王十朋集

婆律膏

薰薔薇露染惜春情態

惜春紅見麗
珍牡丹譜

戀春風致

戀春見
總叙壯

丹花雨漫天金蓮布地

凡中金蓮每至夏日特盛姿艷
殊絕未見其匹金章廟常宴泰

和宮夏日牡丹顧謂元妃李氏曰牡丹誠獨冠花品以
金蓮羅列其下尤風流可愛可謂潘妃步步生金蓮

玉妃綽約

玉妃見麗
珍牡丹品

玉肌丰膩

玉肌紅見總
叙牡丹品

仙標閒整

風骨秀異翠圍粉陣櫛比鱗集五色相宣

黃花白花紅
花及墨紫深

碧是謂五色墨紫見六一居士花釋其色如墨紫類要
衍義曰有深碧牡丹又廣記云韓湘聚土舉盆有碧壯

丹二朵後為
金棱碧色

芳藹相襲玉澤堪掬秀色可吸擗

充治
切

芳煙頽然如醉呈露優柔溫潤綺靡春睡猶濃東風扶

起錦被絢爛

錦被花又有五色
錦被見花木記

繡帶葳蕤

繡帶花名
見花木記 縈

結同心

同心梅名又
有同心李

延締連理

孫氏瑞應園曰王者德
化洽八方合為一家則

木連理又曰王者不
失民心則木連理

辟巧藥為近侍直海棠為慶會

西征

記蜀中近牡丹多栽
海棠謂之君臣慶會

仙人醉露以顏玉

今人以杏核中
復有杏者為仙

人杏述異記曰天台有杏花六出五
色號仙人杏洛陽伽藍記有仙人豪

玉女吟風而搖佩

爾雅疏云玉女海棠也公嘗易玉團春名為
玉女花玉溪生牡丹詩垂手亂翻雕玉佩

翠展莎茵

錦圍花障槐蓋傾偃

天香臺前有槐俗謂槐柵者
公嘗謂其不雅故曰謂槐蓋 林幄

閑敞長樂維宮

長樂花名唐蘇
題有長樂花賦

合歡維帳

花譜有合歡
桃一朵二色

又有合歡柑唐明皇有與羣臣分合徑植忘憂天香臺

三徑皆植忘憂花卉古今注曰欲蠲人之榮延交讓榮

榮也大魏諸州記曰交讓樹名也兩合昏傲夜周處風

合昏槿也葉晨舒昏合本草合昏葉似卑英梔陳藏器云即夜合也日華子云合昏又曰合歡莫英典

歷通歷云帝堯觀莫英以知旬朔平露臨政孫氏瑞應

者如蓋王者政平則生東方政不平則西低西方政不平則東低他方亦然白虎通曰平露者樹名也屈

軼司直田佞人入朝則草屈而指之故曰屈軼帝休光耀

山海經曰帝休木名本草帝屋煥爛山海經曰帝屋赫

奕君子

廣志曰君子樹名也

清名無患

纂文曰無患樹名也崔豹古今注曰此木為衆鬼所

畏取此木為器可厭却邪魅故曰無患

炳若丹青晬然玉潔足佐花王潤

色盛烈期所望于重華

重華見花木記

可流芳于萬葉

萬葉見花木記

延羣英之風概耀榮名于圖牒

有百花朝王圖中續姚魏次續諸品牡丹外續

以百花朝之

青松森挺大臣介然而廷立翠竹旁羅毅士肅

然而就列池蓮澹澹脩然乎無塵君子居也籬菊亭亭

兀然乎寄傲隱逸位也

無塵寄傲天香臺下二軒名

珍叢琦薄祥花

瑞草

一本作果

深圍遠遶端疎低默者百執事之謂也若仰

若俛如揖如伏者尊其王之義也策其芳名委其藻質

內向光塵猶葵傾日靈雨均霑惠風同被含秀敷榮榮

懷天德

天德紅見總叙牡丹譜

寶閣輝煌

寶閣紅見洛陽花木記千葉紅花也錦屏

斐亶

錦屏紅見道山居士錄出壽安錦屏山色粉紅二層葉中心者極細而長有檀

瑞玉樓臺

瑞玉紅見麗珍牡丹品有玉樓子牡丹重臺牡丹亦曰玉山紅樓子

夏間金碧

間金見洛陽花木記

千葉紅花也色微帶紫而類金繫腰開頭八九寸許葉間有藥碧牡丹有數品綺紛品彙區別

列第霞駁雲蔚繡錯萬計

異人錄宋單文字仲儒有種藝術上皇召至驪山令植壯

丹萬本色樣各不同內人呼為花師又呼曰花人

炫玉京之春色

玉京春見青州牡丹品粉

紅花有托盤
亦曰兩京紅

夸兩京之神麗

兩京紅見洛陽花
木記多葉紅花也

聯玉葉

以延春

繼叙牡丹譜有玉
葉萬壽春牡丹

直

直吏切

會聖之盛際

會聖紅
見花木

記其餘諸花
無比其大者

章明花界照映塵劫

選王簡栖頭陀寺碑
功濟塵劫注云劫猶

世也續仙傳丁約曰儒
謂之世釋謂之劫也

深根寧極無為之業光寵妍時

選司馬子長報任少卿書云以為
宗族交遊光寵注光美寵盛也

春心固結良怯年芳

輕易哀歇我振我策我步

一作戔

我屨朝祛暮逐無情蜂

蝶終然殊患本弱者其枝必披

上聲

末大者其幹必折審

其本之弱者難

音替又音
難除草也

其草萊盡其蟲蠹

牡丹譜蠹
蟲捐之必

尋其穴以硫黃針之其傍又有小穴如針孔乃蟲所藏處花工謂之窻以大針點硫黃末針之蟲即無矣花復繁擇其瓦礫易其壤土以壤土至春盛開其狀百變

醫之治

平聲

之調之護之扶之持之正之直之培而養之

使自滋之

洛陽花木記甘草黃千葉黃花也其花初出時為單葉因培養之盛變而為千葉

廕

而遂之使自榮之

花譜牡丹性極喜陰涼

顧其末之大者去其邪

枝剝

洛音

其錯節除其狂花翦其亂葉

牡丹續譜大率痛打剝即花好

推

之移之規之繩之背者向之屈者信之擘而分之

花譜曰白

露前分擘牡丹

使自存之列而封之使自保之

牡丹記曰初植牡丹澆畢則以

細土封壅其根
謂之保澤固本

為強其幹而弱其枝俾隆其本而殺其

末之為者也扶質立幹本道根真花明葉秀眼界一新

客有訪醉隱於天香亭者不覺愕然而嘆曰向之華盤使

曷其治也觀乎殊制甲天下可也醉隱曰向之華盤使

然也重其花者

歐陽文忠公花品序牡丹而出洛陽者
今為天下第一洛人唯直名曰花其意

謂天下之真花不假曰牡丹
而自可知也其愛重之如此

非其業也耘植非時灌挿

要術云
挿也

無度賣知自是忌能懷妬苟一矯衆枉不涉叢

脞阿謗橫議雜然應和明其幾務執以不可謂彼非出於我

或僅有所采微有所挫爭引其功相推其過思求其治
焉可致也余承其弊特任其責推心于物旁搜遠索索
彼得失洞研究覈從其可從革其可革絀諸荒惑探諸

幽蹟舉諸明筭運諸成策辨乎根蔕

根蔕見白氏長慶集童蒙訓邵康節

因言洛中牡丹之盛曰洛人以根蔕而知花之高下者知花之上也定乎名色甄其瑰奇

甄古然切鄭玄尚書緯注曰甄表也庶其瑕謫貶以殿最

麗珍花品序花以優劣為殿最

貶以鼓切物次第也品以資格煦以陽和沃以膏澤窮精極智馳

神運思孜孜夙夜不落吾事粗有是治無足齒也然天

下之事曷嘗有異於是耶九土一臺也六合一園也百

花一王萬國一君為國之道在布此花之政也

平露臨政屈軼

司直之謂也

經國之要實理此花之任也

疆其幹而弱其枝隆其本而殺其末

之謂也

緒言未既客茫然進曰旨哉言乎旨哉言乎願以

所聞書諸信史刻諸金石以壽其傳終古不忒天香亭
頌第紀風聲未勒磨崖蒙何以寧用是遂決敢獻其銘
銘曰薄構其亭于彼露座桃李無言燕雀相賀

天香亭賦

伊牡丹之王百花也聲華輝赫令姿煌煌大塊流其形

柔祇播其芳以福勝之徵致霽雲之祥

福勝紅見陳州牡丹品千葉深

粉紅色霽雲見麗珍牡丹品如霽雲之狀外赤內黃

臨仁壽之域介溫柔之鄉

仁壽

黃溫柔紫並見麗珍牡丹品

天標粹美玉色洋洋

玉色牡丹見花木後記

瑞氣

薰蒸承露華房

承露白見總叙牡丹品

猶澡身浴德以薦馨香芬

烈天香榮耀靈光觀時之光利用賓于花王出奇丰度

孰究其詳第而崇號婉而成章絕品姚黃

絕品姚黃見陳州牡丹品

千葉尺面大青瓶紫檀心而韻勝土人推為絕品非今姚黃也又有古姚黃見後注語

殊勝姚黃

勝姚黃見洛陽花木記千葉深紫
檀心開頭可八九寸許深于姚黃

英逸之資固未可量

正色處中不易其方漠然而神全然而真示心忘情物
莫之嬰辟鷄雍與豕零而幸疾之僥名雖時為其帝者
豈能為之抗衡哉金玉其相秀出羣芳特傾心其奚待
為殿春之餘光獨醉道者遊心聖域隱跡懼場有惜花
痼疾姚魏膏肓愛其嫵媚展盡底蘊于明時尚其氣節
榮聞日流于帝鄉推其道之有在曾不矜其所長彰真
宰之妙用染世界使都香

唐人牡丹詩
曉檻競聞香世界

一拂萬字

一拂

黃見海山記萬字紅見陳州牡丹品
千葉淡粉紅心青色瓶宛如萬字

殿前禁中

殿前紫有托盤

禁中紅粉紅花有托
盤並見青州牡丹品

以道為本造化為功其狀百變

經圖

曰近世多種牡丹園人欲其花之詭異秋
冬移接培以壤土至春盛開其狀百變

其態無窮其

化如神其道尤隆亂擎薰炷繁錯環叢汎以珠露掃以

香風何其貴也玉真淑美

玉真見花木記

勝玉無瑕

勝玉見總叙牡丹譜

卓冠時英標特國華進登天府就地仙家布濩元根願

養黃芽

金源氏水井宮牡丹以其地勢高寒每秋秋分後例以甕覆護謂之辟寒氣至次年夏黃芽寸

許乃揭去之

調護冰凝薰染珍花延喜日以難老

喜日紅見奉聖州牡丹

丹品難老紅千葉肉紅初生潞公後園色類魏花與富貴紅有深紅檀心開有短藥一道其枝比魏而稍肥亦

魏花之變潞公邀留守韓公請以難老名之見道山居士錄

劑彤雲以香霞

洛陽花

木記千葉紅花微帶緋色開頭大者幾盈尺花唇微白近萼漸深極心皆瑩白香霞紅見總叙牡丹品

其聖也女真仙隊

女真黃見陳牡丹品千葉淡黃花之第三

小真仙侶

小真紅見

青州牡丹品深紅也

玉冠微聳

玉冠子見總叙牡丹譜

絳衣輕舉

絳衣紅見陳州牡丹

品千葉色近緋深紅花之第一

離時裝束出塵逸趣弄珠精神散花態

度疏鮫綃兮障日

鮫綃紅見總叙牡丹譜

疊羅囊兮盛露

疊羅囊見總叙

牡丹譜

凝脉脉之柔情歷雲朝與雨暮何其麗也壽真王

潤壽真黃見總勝真玉膩勝真黃見陳州牡丹品千葉

第五黃花之明兮玉秀清兮玉粹玉葉無香漢武內傳曰西

藥玉英自失玉女少色玉委匿跡白玉圓經玉之精何

玉腰之輕盈玉腰紅見將玉顏之溫麗玉顏紅見鄙綠

珠之玉格綠珠見奉聖陋西施之玉醉醉西施見青何

其秀也洗粧標韻洗粧見奉聖州壯拭粧標致拭粧紅

花木記多露華膏沐九迴沈水媚春道艷殢春氣味笑

領春風無語徙倚蘭麝囊兮旁午鬱金裙兮璧音積

斥孫壽之妖蠱

蠱音古孫家黃見總叙牡丹譜

逼蘓香之艷逸

蘓家紅見洛陽

花木記多葉紅花也

何其偉也蓬萊窈窕

蓬萊紅新花也黃師命此名見青州牡丹品

綵雲容裔

綠雲紅粉紅花有托盤見青州牡丹品

炫轉光風晃蕩錦地瑞

彩交輝紅霞白日花擁仙房香通元極英爽莫盛于大

觀

大觀紫見總叙牡丹譜

崇高莫大乎富貴

富貴紅見洛陽花木記千葉粉紅花也

媚玉庭之靈景

媚玉紅見麗珍牡丹品

置紅光於紫氣

紅光紫見麗珍牡丹

何其異也藥珠顯敞

藥珠紅見麗珍牡丹品

玉華幽邃

玉華香見麗珍

彩霞飛不去

彩霞紅見麗珍牡丹品

錦雲收不起

錦雲見麗珍牡丹品

明霞紅珥絳節勝雲紅惹雲衣

明霞紅見麗珍牡丹品勝雲紅千葉深粉紅極

鮮明色見陳州牡丹品

淺霞紅積絳雪勝羅紅翳雲幃

淺霞紅見陳州牡丹

品千葉粉紅花勝羅紅千葉淡粉紅花尺面大見陳州牡丹品

錦被堆壓銀床

一作綴

珠枝覆玉砌

宋景文帥蜀以彭門牡丹惟錦被堆為第一見蜀志綴珠見青州牡丹品

著遇

仙之盛事抒劉郎之雅意

遇仙紅見洛陽花木記千葉紅花也劉郎閨見洛陽花木

記千葉淺紅花也本出長安劉氏之閨下因以得名花如美人肌肉然勻瑩溫潤

何其盛也懿

彼神工巧輸元力彌表尤功更為光飾添色紅兮神奇

添色黃兮尤異

添色紅多葉紅花始開而白經日漸紅至其落乃類深紅此造化之尤巧也見

六一居士花釋漆色黃多葉黃花也無檀心既開
黃色日增有類漆色紅故得名見道山居士錄
感金

毬兮錦皺紫繡毬兮結綺
感金毬千葉淺紅花也色似
間金而葉枝皺感間有稜斷

續于其間因此得名紫繡毬千葉紫花也甚瑩澤
葉密而圓整因得繡毬之名並見洛陽花木記
潛溪

緋濡霞漿勝潛溪沃瓊液
潛溪緋有卑檀心色之殷美
衆花少與此者出龍門山潛

溪見六一居士花釋勝潛溪見道山居士錄出上
陽門外進士張色如潛溪易得有檀瘦乃多葉
九萼

紅兮妖妍九萼紫兮冶奕
九萼紅莖葉極高大色粉紅
有跌九重苞未坼時特異于

衆比開必先青坼數日然後變紅色花葉多皺感有類
探葉紅然多不成就偶有成者間頭可盈尺九萼紫色

微紫未開時九瓣瘦則七八
無藥無檀並見道山居士錄
順聖紅兮韻勝順聖紫兮

嬌麗

順聖紅千葉淡粉紅見陳州牡丹品順聖紫千葉紫花也每葉上有白縷數道自唇至萼紫白相間

淺深不同開頭可八九寸許見洛陽花木記

冠子黃列仙班冠子紫髯雲髻

冠子黃見海山記冠子紫見洛陽花木記多葉紫花也

勝陽紅兮艷赫安勝紫兮

瑰偉

勝陽紅見總序牡丹譜安勝紫千葉紫花也開頭經尺餘見陳州牡丹譜

線稜紫兮繁

縹青線稜兮綺靡

線稜紫見道山居士錄色紫葉片有如線稜其上單葉有藥有淡檀心非

銀含稜也青線稜多葉紅花也見洛陽花木記

鎮山東兮標榮大宋川兮檀美

鎮山東見陳州牡丹品千葉淡粉紅花也大宋紫見洛陽花木記云出永寧縣大宋川千葉紫花也開頭徑尺

餘家花無間金紅紫相高都勝紅紫競媚間金紅間金比其大者

牡丹譜紅都勝千葉淡粉紅紫都勝千葉深粉紅並見陳州牡丹品

玉千葉兮騰秀碧千

葉兮疊翠

玉千葉見洛陽花木記千葉白花無檀心瑩紫溫潤可愛碧千葉見麗珍牡丹品

拂

子黃撲鴉黃拂子紅拂珠穗

拂子黃見總叙牡丹譜拂子紅見洛陽花木記千葉

也紅花

合組列錦珠堆翠積摛章縟彩相錯如綺何振景

拔跡而高謝氛埃照耀芝蘭玉樹庭階適足悠然暢叙

幽懷周流容與香界亭臺醉冠歌側若有德色放情肆

意驕穉園隸且曰風塵表物表植神異聳振聲價卓聲

倫類錦繡其文永玉其質掩奪春華張皇化國耿介英

姿秀發其跡榮光萬狀芳氣四塞花政之盛光美之勝
未有甚于此者混元蘊奧后土富媪不愛其道不愛其
寶豈虛也哉子其有以語我來園隸曰唉人亦有言堅
樹在始始不固本終易枯朽其性得則英挺其氣鍾則
神秀其地平則難傾其根深則能久僕得之于心應之
於手為全其天使引其壽故葉兮如雲花兮如斗是以
聲名盈溢乎九有道者厭益涉切嘆已而諄曰要妙之言
有所激也商榷萬類其義一也有本有末有名有實有

榮有悴有開有塞曄然盛譽藹然休聲必待名實相須
而成名其末也去末猶榮實其本也舍本不生苟實其
實庸主其名賓主易位亂是用興是謂開塞之門榮悴
之所由也臆說目論曾不足繫研幾析理之辭子其鄉
之目論耳目之目
字或作自字非遲日薰芳逕遊風扇綺寮韶華容艷
冶飛燕語聲嬌玉友延藍尾花奴促綠腰天香結成陣
不記水沈消藍尾本曰婪尾
綠腰本名綠要

瓊林園賦

并序

瓊林園者金海陵庶人之所營也嘗燕其羣
臣于此惋其規模迫狹遂廣燕城展遼大內
增建宮室仍起廣樂園于寶昌之西余遊歷
燕都因與夫鈎盾按行遺址異其絕古今之
制度披覽圖籍知其盡人神之壯麗意不翅
加萬於章華什百於阿房及繹史氏詳其庶
人本末覈諸事跡可謂悉備然前朝者舊靡
不毛舉其所遺神動所閱心隱所聞不得以

無言故引筆為賦詞曰

探元符撼乾樞剽靈圖展帝容驕氣憑陵而威靈折衝
援湯引武絜大比崇命相乎宸居光宅乎天衷度邑四
方之極定鼎輿地之中

海陵改燕京為中都詔曰顧此
析津之分野時惟輿地之正中

拓層城之萬雉體積陽之九重控八紘之要會擁百萬
之提封

海陵廣燕城營建宮室詔
曰眷惟全燕實為要會

亶全燕之形勝壯帝

宅之恢雄名山會乾而環北靈海朝巽而浹東蒼龍卧

護以懷抱橫陳疊翠於遙空鍾神秀於天府

史記蘇秦
說文侯曰

燕所謂天府也

扼天險於居庸廼翳翔鸞跨神龍

翔鸞位神龍位皆遼之大

內瑤池位也

陵倒景蔽鴻濛森羅移乎地軸幻化出乎人工

玉泉是導金水是通渤湧太液滙浸芙蓉十洲繡簇方

丈瀛蓬

後改瑤池位曰太液池又有芙蓉池有十洲三島非北宮之太液池三島也

瓊林瑤

璆玉藻龍從建木森烈瑞葉青葱

海陵營建宮室園苑多取儂都城闕宮殿

池島之號凡花木之可珍者易以琪樹珠樹建木瑞紫瓊璫瑤草朱英紫脫之名

珠枝玉果瑤

花碧草珍禽奇獸奇薄珍叢良難殫紀謬不可得而窮

也縣聯翠苑韜映金墉樓闕嵯峨殿閣穹隆玉梯突兀

矗似長雲輦路蔓延顏若垂虹

瑞明閣飛梁輦路直抵第三層

虹橋絡

漢陞道盤空下臨無地勢出蒼穹藹天香之帝幙陰桂

影之房櫳抗促調則秋淒播雅奏則春融滌暑無夏辟

寒無冬凜祝融於水臺暘元英於華峯儲陰蓄陽神其

帝力冀主造化使天無功登明月御清風

明月清風二殿在翔鸞位

南神龍在北常為祈禱所

延羽客而列金童寶炬燦其星繁香霧爛

其霞烘訪乘雲於姑射咨問道於崆峒期固九鼎於靈

根

魏伯陽云九鼎謂丹砂之精

主衆妙之真宗抱駐景之神方繼御

氣之元蹤庶委質於金母而從事於壺翁保後天之遐
筭延厯運之所鍾偷安宸極竊號天公骨自是之荒惑
矜超絕乎凡庸奄萬象為已有置六合於牢籠垂拱驕
唐虞高枕傲羲農紛豪華之駘蕩示湛恩之龐鴻傾海
以為酒并山以為饗鳳吹擾鸞歌疊鼓揭華鐘白雨催
花金蓮布月龍膏繼晷樂事未終玉鑾玲瓏翠蓋葳蕤
僊音雜沓紫霞淋漓臨素娥之庭院歷玉女之窻扉紅
雲洞瑣長春花雨暗夫香霏

香霏亭在僊音長春院內

張以鈞天之

廣樂燭以日月之光輝虎豹守護其天門龍蛇飛動乎
旌旗廻晚廣道東顧終期庠臨芳而陋景徽俾宏模廓
度紫宸之庭闡黃道洞達於天街銀河旁繞乎金堤結
合懽於鉤陳營長生於太微通明起乎中央藥珠延其

西陲擴叢霄為凌雲表閭闔為端儀

按海陵初起都宮
園後世宗廟多易

其殿閭池館名額存
其舊名者十無一二

亮仰法帝居元圃清都猶謂迫脅

不足以壯萬世之宏規詔班爾勅工倬曰匪恢皇儀罔
震天威可盡人神之壯麗當戴能事之瑰奇遂儷廣樂

之園就卜寶昌之西屬乎碧城之基繚以紫微之垣冠丹
丘之巔枕絳河之湄寶臺巉巖闕崔巍右環翠水左帶
瑤池九龍蟠霓據中天而崛起五鳳偃蹇搏積風而忘飛
十二玉樓分駢羅三千花界兮低迷蔣蔣焉煌煌焉信彼
都會之勝槩也景落天外晃銀海也聲華曠代何光大也
窮竒極泰吁可駭也使鬼為之則勞神矣使人為之亦苦
人矣締嗟構怨跽音臺籍泰矣絕天流毒足失民矣雖智足
拒諫辯足飾非萬姓仇汝汝將疇依惟狂罔念人心惟危

章華就而荆人解散阿房起而秦衆乖離是以聖哲克勤
克儉無偏無頗唯居其實不居其華以百姓爲心以四海爲
家豈縱無厭之欲匱有生之用佐燕安酖毒之雄誇者哉
海陵實錄宮殿之飾多偏用金傳然後間以五采金屑飛
空如落雪凡一殿之費以巨萬計徃徃成而復毀務極華
麗國力困弊曾不少恤沉而籌略溺而機智劣功優過絕仁棄義敢

推貫日月之誠而陰蘊滔天之勢飾卓莽之狙詐與操懿之
狐媚辟而忠鯁暱而私阿法嚴而峻令煩而苛厭飽人以道
德惡醉時以醇和煽虐熖于毒燎市禁網以誣羅斂怨爲

德實維伊何滄海橫流黔黎墊波游童牧豎彼且奚知
而遞廢迭和五噫之歌曰神彼帝京之宏麗兮噫壯九
重而造天兮噫極鬼工之淫業兮噫殫九有之膏腴兮
噫猛苛政如怒虎兮噫敢暴殄天物竊玩神器計同大
帝之錫金策猶繆公之時醉廉政純龐甄時隆替審九
域之安危實一人之所係移風易化舛純駁粹恬于剥
亂逸于乖盪振顛沛之策御怨咨之氣猶指天之有日
寧恤志士之流議也耶擬投策而斷江

海陵臨維揚詩
有鞭梢點盡長

江水不到吳山
誓不歸之句

將憑怒而傾地街雄斷以英畧愈亦為

之兒戲饗無上之大名規尊勢之厚利務隆振乎皇綱
忍紛擾乎人紀好還者必然之天道代謝者自然之物
理大定之更維揚之變詎不出乎不意嗟乎夸者殉權
貪者殉利同歸殊塗萬古一致柰何創鉅不恤神羞天
恚陸梁不顧鬼責物累務奮迅龍飛振矜虎視縱其驕
蹇逞其惑志忘檢身之格言失子愛之與旨致狼狽於
剛愎速臬獍以橫恣積非成虐積是為治世殊事變人

道不思忽明君之御民若乘奔而無轡忘天下之歸仁
由一日之克己為釋余之所有庸經彼之所以獨夫之
號庶人之貶不為過矣

龍和宮賦

并序

龍和宮道陵李妃之正位也或曰龍和位道
陵之崩也妃矯遺詔為立東海竊市恩私冀
保身於萬全卒不獲免其禍東海由窘步捷
徑尋亦失馭而殉身國蠹竟嫁禍神州于陸

沈固金源氏之罪人也然其庸隘不足以塞責前輩未嘗不以其罪罪妃之險詖究其顛覆之所自道陵亦不得無讓余從北闕言歸中州稅駕燕都因遊覽前朝圯宮廢苑訊諸遺老得覩龍和故址桂窟瓊林光沉薰歇但瓦礫榛蕪馳邁狐兔而已徙倚周章慨然有懷不覺形於歌詞噫詩人之興感物而作黍離之義於是乎在辭曰

抽思古之幽情索隱與之宜藐音眇登凌雲兮凝絕覺天

荒兮地老臨闔闔以徒倚俯玉繩之澄道玉繩瑤光樓之閣道名

望層城之一本

作而

不見唯戰塵與煙草昔在天公

唐明皇自呼為

天公道陵事跡甚肖明皇

宸遊物表駕兮蒼鸞使兮青鳥相羊乎叢

霄娑娑乎瓊島縱僊韶之遊韻激水雲之縈繞解語花

之婉婉黃金屋之窈窕傾四海之殊歡買嫣然之一笑

態濃意遠容華可掬咳唾隨風徑生珠玉珠幌煙霧中

海棠睡未足挺絕代之瓌姿抱夢蘭之心曲諒赤鳥之

失氣將飛燕之無惊魚何入乎深淵鳥何飛乎高空冰

肌綽約蕙氣冲融含顰冶艷捧心為容就處月姊之桂

窟冀主星娥之璇宮

桂窟宮中殿名李妃奏乞坤儀殿避暑章廟使徹其殿額

特釀

巫峽之雲雨嫫倚蘭臺之雄風

蘭臺宮中臺名

飄若神僊僑處

溫柔懸居繇歷玉鸞啾啾布金蓮於寶地散瓊華於蓬

丘

金蓮川即山北避暑宮瓊島即山南避暑宮又名蓬萊島

典長春之花界顙不夜

之珠樓南威西子洛妃巫娥紅潮妬粉黛感羞蛾淡隱

隱之春山湛盈盈之秋波呈霓裳之秘舞獻玉樹之凝

歌佳人傾國天子無愁

高齊後主自號無愁天子李義山亦借使陳後主詩云從臣皆

半醉天子
正無愁

微行要屈千萬纏頭

道陵常制每歲清明西園特設九市以要屈為

務

濯池錦於雲霞貯璧月於帷幃紛中夏之豪華擅南

朝之風流朝轟陸續於方壺夕張爛熳於瀛洲效靈鳳

以為輦御翔龍以為舟

方壺瀛洲皆行幸所翔龍舟即汎太液池之舟

容與乎

瓊田逍遙乎縣圃

瓊田縣圃亦皆行幸所

殊期與松喬永結為真

侶餌以藥宸之丹粒

道陵置玉華宮為燒丹院

挹以金掌之瓊露保

嵩呼之呈祥豈南山之足慕靈鎖忽忽其莫留神景微

方之可駐奮鼎湖之龍駕振飛轡乎雲路顏玉體以橫
陳愁玉音而號訴無靈藥之可竊託妾身於何處推天
道於張弓甄四時之代序惟青春之告謝信落花之誰
主羗神醉其凝愁隱取賊於妖妬注娟娟之心服覬夫
君之一顧吐幽蘭以徐言恨自惑其頑素忍取毀於求
全為孤德之所誤忖竊市之恩私誠不足以負汝由一
絲之綸命紹八紘之洪緒寄光陰於過客齊天地於
逆旅苟神明之有在豈相逢而無所

李妃死時詰東
海及申王之語泣

憶君之清淚猶梨花之經雨逐黃裙於流水襲玉環於
何許神帝力而震天威矜龍盤而負虎踞計無禍之可
嫁幸亂媒之是除期王道之一平叙彝倫之藎敷希韜
夏而軼殷周延三五而保亨祚頌河清以納祥亟飛詔
以延譽

大安元年河清上下數百里特試宏詞黃河清頌

實自欺其聖作質萬

物其斯覩抑與亂之同事且何瑞之足怙儻不有其穢德

又何妖之足惡諒皇天之無親曰惟德之是輔

聖朝太祖皇帝

大安元年已興問罪之師二年庚午尋取中原河清之徵定我皇祖受命之符也

曷猖披之罔

念甘肆心於寡助忍乘時而布政舍漸摩而雄據俾彊

禦與培克遂蜂屯而蟻聚敢窘步乎捷徑任側言而革

度

東海多變前朝制度如鬻尚廐馬冀後園花果者不可悉記

民騰怨之弗知

東海為虎

賊幽於四王府中使沽市酒嘆其味薄曰酒猶如此宜乎百姓怨我我實不知

天垂譴之罔悟

大安三年大風折通元門腰闕太史奏宜修德東海怒形於色

大業以之偷去帝乃以

之震怒龜鼎將與時遷形勝奚設險阻闕山空鎖九重

天府

史記燕所謂天府者也

昊天成命眷我聖祖風雲慘澹龍蛇

騰驚鞭笞萬國混一寰宇籌函夏於拉朽奮天縱之神

武殄烏月

一作鳥沙

之烏合覆扼狐之貔虎保中華之利器

失緘局之固護竭東海之狂瀾竟寢聲以委御為天下
之騰笑輒殉身於國蠹使寶勢之神州尋陸沈於顛仆
長城萬里伯圖終古曾何足保一杯荒土維聖哲名器
之宗匠道化理國之良具致興替者維人係安危者非
數盡遊子之寒心疚王室之多故宛赫赫之宗周蔽離
離之禾黍通天臺榭朝元洞戶基無完甃墉無遺堵弋
林釣渚柳塘花塢流螢司夜野鷺典曙豺狼呀以雲屯

梟獍紛以星布鬱叢薄與灌莽翳瓊林與瑤圃喟三生
之尤物忍此焉而遊處去塵外之僊籙據迷津於神滸

貞祐中人屢見李妃於天津橋畔有詰東海之語

遷延凝睇含辭未吐顧影低

回玉顏增嫵擁返魂之香陣進凌波之微步若迴雪飄
飄汎流風而輕舉吊故國之丘墟詰若人之遲暮何蓬
萊之宮闕絕漢家之簫鼓

龍和在蓬萊宮左

言未足而沈吟遽

彷徨於去住復怵恍之僊遊引迴風之神馭悵堦堞與
頽垣鎖野煙與寒霧黯裂帛之聲消慘澹沙之人去信

朽木之為物斷不可以為柱慨人間之何世將貞心以
自撫悅臨風兮如失中結軫兮延佇私自憐兮自訟知
為誰兮愁苦昔昭陽之遺事卒悉脩於伶元為有知之
所配自不得而無傳撫龍和之陳迹庸粗述乎茲編乖
風化之所係故不得而無言臉詖私謁固寵負恃窮奢
極泰貼危吉士如趙公間間等一時名臣棄關雎之大
義廢螽斯之微旨道陵無嗣觸危機而奚歎悔不知其所止
弗公其內務正其外苟營其利莫勝其害盍以公而滅

私忽區夏之博大既託寄其非人不危亡而奚待憾驪
山之烽火淪灰劫於橫潰悼姑蘓之麋鹿走揚塵之滄
海天下神器萬世攸賴御非其道足徵撓敗勤武元之
經營佚大定之耿介

騷云彼亮
舜之耿介

驕道陵之雄奢僵大安

之庸隘周章遊目積蘓累塊凝情傾想益增感慨徵逸
樂於憂勤速顛覆於荒怠孰疎善之不昌孰懷諫之不

殆

孟參政鑄嘗言虎賊有無君之心道陵笑而不答徐
曰豈有此心但跋扈耳孟進曰聖朝焉用跋扈臣為

後東海嗣位孟數盡言極諫謂虎賊無君之跡已著用
是忤旨免相罷任虎賊後賊之變也東海仰天而嘆曰

若用孟鑄言
那有今日事

已矣乎非聖不無過過則勿憚改改過不
吝是謂自愛濁流黜黷龍光彩敢批逆鱗誠可駭鳳鳴
朝陽反為怪率德貴遷善思庸匪癡駭而樂天下之心
戴奈歛怨以為德戾聖人之諄誠豈唯念之情熱足使
聞之心痲閒荒涼之輦路突狐兔之馳邁結愁陰於莽
蒼積悲風於蒲稗欽欽音埃天命之靡常忱大福之不再
委窮塵之遺恨詎止歷乎萬代彰直筆於信史以昭示
於來載索微言以成章證殷鑒之斯在

獨醉園三臺賦

粵雙溪之書院實獨醉之園亭鄰九重之花界屬萬雉
之金城翳葱葱之佳氣扇澹澹之遊風隱天津於罨畫
兮宛繞匹練於花叢挺盧龍之神秀兮迥列疊翠之雲
屏得風煙之濃淡陋意匠之丹青仙居名亭秀出洞天
之靈境勝槩足播壽域名亭之芳塵延郢中之白雪名齊
納天外之陽春名齊竹牕兮松戶林幄兮莎茵駢羅兮三
臺花柳兮橫陳臨琴臺兮蹇產陵千一作萬頃之煙波對

射臺兮端霓擁萬疊之雲山出絃歌樓於輕靄兮臨正

已樓於高寒讀書臺之屹立兮抗醉經之高堂狀穹穹

以隆隆兮據

一作
崛

兩臺之中央挹清風於元覽兮澹元

心以含章

一本作挹清風以述
誦兮縱遊心於文場

振塵纓以射獵兮奮神

氣以鷹揚適高情於冲澹兮閒絃歌以宮商採歸昌之

竒律兮奏和鳴之鏘鏘有客為之鼓掌兮嗤謂人之猖

狂問方今之何物兮是周孔與羲黃得開口之一笑兮

勝百代之流芳如先生者何為兮謾塵外而彷徨既慘

澹以經營兮盍秉燭以盤遊貯傾城與傾國兮遍舞榭
與歌樓過行雲於迴雪兮掃萬斛之凝愁看青霜以何
計兮點華鬢以成秋甚矣子之難悟兮舍吾道夫何求
有琴書之真味兮足願志以消憂况脩然而無夢兮笑
蝴蝶與莊周乘夫天地之正兮御元氣以周流誰憐子
之羈世兮自絕迹於幽尋未悉陳子能事兮况凝坐已
沈吟琴也者禁止邪以正人心蕩鄭衛之淫哇發太古
之純音元鶴為之翔舞六馬為之嘯天諒迨迨之流水

猶

一作如

道法乎自然或香穗縈紆几淨

一作室靜

牕明或煙

霞間遠月白風清但琅然一揮手亦足以陶寫幽情曾

不以絃歌而銜買名聲射也者必先正其已者也或馳

騁營域或容與園圃從者如雲觀者如堵決拾既備繁

弱

一作鳥號

是張驚弦裂石流鏑穿楊獸不得發鳥不暇翔

亦丈夫一樂事樂在路絕豺狼弓矢之道意趣尤長無

機呈露天道時光詩書乃經國之大業教化之成式宜

乎賢哲心醉經籍得教育天下之英逸藻鑑世間

一作古今

之得失了萬事於一顧照千載

一作古

如一日於以定禮

樂於以正人倫上以忠於人主下以化於齊民令投跡
禮義之鄉徑躋仁壽之域醉之以道飽之以德此讀書
者之所治非投筆者之所責嗟爾俗狀塵容曾何足與
研幾探賾凝神至道味其無味孰營營焉以歌舞為事
客茫然神醉遽不自持忘其所以為是失其所以為非
竟卷舌而固聲但捧手而吁歎先生怡然沐浴聖澤含
情隱笑徐復顧謂客曰伊運自然之妙理與養浩然之

氣惟願神於造化徵化成於天地宇宙無窮物名有量
咸從其類固非一狀天之分與各適其宜鶴長鳬短斷
續俱悲人生天地間萬物之一名營營擾擾自以為靈
有察於未萌以己為愚者有闇於所見以己為明者有
然其然而非其非者有然其非而非其然者有潛德自
適者有賣知竊寵者有輸忠自許者有紛慮邪計者有
任真自得者有矯情飾行者有辭極貴之位者有爭毫
忽之利者由是冥心相與推移人之相去何啻九牛毛

與雲泥始知天之為天物依然而不齊趣中之至趣言
外之微言尤非吾子之所知也

獨醉道者賦

有物自然惠澤如春獨醉道者德其願真懷純抱粹齋
心服形歷來樂之坦途歎除憂之福庭引齊物之論注

洗心之經

唐子西號為齊物論
予名家釀為洗心經

洞滌嗜欲之邪穢淨盪

聲塵之囂腥醑玉瀝為金液

玉瀝近日名酒非隋
煬帝所釀玉瀝也

營糟

邱為蓬瀛養其神於天和全其真於聖明

鄒陽酒賦清
者聖明濁者

頽駭

言無所阿行無所傾豪無所奪雄無所爭靜不知其

所待動不知其所乘隱不知其所辱顯不知其所榮純

氣有所守神物有所接

神物見坡僊濁醪有妙理賦

穀食而采乎元

根鳥行而拋乎浩劫漱玉露之華滋芳與澤其紛烈挹

萬古之清風吞幾團之明月

南史謝謏長愛獨醉曰入吾室者但有清風對吾飲

者唯當明月

聳懼不入乎胃次繇運物之弗懼適志氣於曠

放以堪輿為迫脅意毋固必行毋聲跡曾不知出榮辱之境曾不知入是非之域與物以之推移與道以之消

息容與乎大庭之館優偃乎建德之國樂其聖治感其醇化協氣旁流道濟天下何其風之淳和何其俗之溫雅佚忘機而棄智惡蜚聲而騰價總春風以為御奮元風以為駕朝徜徉乎華胥暮逍遙乎姑射驕其醉者矜其醒者一以已為甕天之醯雞一以已為懽場之害馬必期道之所在烏乎往而不可通天下乎一氣無間然於物我二豪執掌審乎庸瑣隘而芥蒂窘而叢脞恍若有得莫知所賀行歌而去倚歌而和歌曰微道者之發

僕覆也僕不知真人之大成也

獨醉園賦

蓮社上遊獨醉癡僊馳聲榮路棲心化元務雍雍以延
聖尤孜孜於進賢謏既醉於大道殊洞酌以微言粵饗
道者本乎忘情而沈世者利乎適意適其意而冲其氣
者無捷於春酒忘其情而凝其神者莫優於濃醉八珍
紛以駢羅八音縱其迭通合歡伯之淳德俱淡乎其無
味味養老之靈液沃玄心之精一一萬事於微塵澹存

亡於自得純純焉而優入聖闕熙熙然而徑登春臺輸
江山於醉眼攄嘯歌之吟懷南晚天津北眺蓬萊芳煙
澹佇惠風徘徊徵杯命杓羅罇列壘汲引琬液掀撥玉醅澆
我胃中之磊砢滌我渴心之塵埃既主百福之所會寧
俟一日之不齋顏色憔悴足可惜形容枯槁奚自哀溺
醉沈欲驚醒市名各奇所趣得無相輕泥古人之糟粕
外物徹之疏明感偏枯之去就惛養恬之精誠唯有道
者襟期殊在悠然獨酌半醉半醒地偏心遠孤唱無和

茫然不覺壯懷暗驚賴其尤物容寄幽情得遊其道乃
遂其生疏淪乎其慮澡雪乎其神神守其全天守其真
邪氣不之能襲憂患不之能入隘靈均之凝滯懿無功

之淳寂

王無功醉鄉記云醉鄉氏之俗豈古
華胥氏之國乎其淳寂也如是

蹈詠漁父

之名歌吟頌大人之至德蹴破虛空蘓晉竟逃至於禪

窟神游八表李白豈謫除乎僊籍曷妨醉墨顛倒淋浪

任聖友之真率

愚號酒
為聖友

恣野人之清狂

酒名有
野人春

標僊居

之勝槩主長春之煙光遊赫胥氏之國典無何有之鄉

王道蕩蕩聖德洋洋縱心乎浩然寄傲乎羲皇淳風導

化和氣呈祥天香藹藹鳳鳴鏘鏘

天香鳳鳴皆近代名酒

伊邇生

之風味殆不可以相忘融一壺之春色斟五雲之僊漿

瓊蘇積其清潤金波注其澄光漲蒲桃之鴨綠漬薔薇

之鵝黃捧合歡之金掌即懸王之華堂抱清聖之所務嗜

至樂其何長名風姨以度曲邀月姊以佐觴播承雲之

雅奏掬湛露於凝香不知手之舞之足之蹈之踴之躍

之又從而歌之也歌曰至人披露天地心兮形骸放浪

空古今兮威鳳傾冠
聆玉音兮擁鼻長吟
梁甫吟兮歌聲未竟
泉涌風結白浪摧捲
紫霞漿竭續稱歌曰
碧雲日暮佳人信邁
殊未來兮緜緜增慕
咀冰嚼雪共此杯兮
歌闕引觴塊然徑醉
毀之不怒譽之不喜
俟欲醒而復酌期必
醉而方睡祈天長與
地久使循環而無已

獨醉亭賦

維無懷氏之俗且有
鴟夷異體而同名一
味至道之腴一含至
道之精酌焉而不竭
注焉而不盈是謂一
死一

生而乃知交情五柳易色八僊效靈延致高陽之徒與
夫大人先生濯壘滌器獻觴捧觥乞朝夕黽勉而從事
計不可得洒掃其郊垌澹超然而特處主養生之園亭

唐子西號
酒為養生

挹春江之綠漲就枕流而濯纓滌除元覽庸

鏡至清尋躋壽域竟拔愁城擅自得之場偃無何之兵
與導淳化之源為勒清時之銘銘曰臨之以武畧濟之
以文經聖人醇其政而天下和平既勒而銘鵬夷頽然
道者盱衡曰伊除憂來樂而愈病析醒神聖功用民無

能名敢載緒言以醲郁聊頌至德之餘馨頌曰粵康粵
狄道融化成神物尤物難弟難兄溥桂華之香露混丹
山之鳳鳴瓊液零珠而玉音琅琅金泉漱玉而和鳴頌
聲命從事於青州而問津於澠假道乎黃廬稅駕乎烏
程將以沈酣縱適而情傳以清白

魏畧以白酒為聖人清酒為賢人

怡

養而形遂右引螺杯而左引兕觥感聖澤之渥沐表天
樂之光榮澤畔之行吟自非同調方外之酒徒素非同
心翕二道之至趣特引聖為證明苟賢愚是混而神心

莫澄豈知可崇君子之德而當澆小人之情哉

醉鄉日月云凡

酒以色清味重者為聖色如金而醇苦者為賢黑色酸醕者為愚以家醪糯釀醉人者為君子以巷醪黍釀醉

人者為小人

猶頌而德聖道以明任聖之和激聖之清耽道

物之極研天地之精當不滯於萬物何醉醒之足嬰恃

醒負醉適足驕矜以醒為德以醉為榮漫與醒而非醉

妄比醉而非醒薄幽人之獨醉短高人之獨醒延譽自

是之醉推忠自許之醒此之謂銜名之醉彼之謂徇名

之醒醉其醉之所不醉醒其醒之所不醒醉其醉之醉

者不知醉之為醉醒其醒之醒者不以醒之為醒醒曷
足以譏醉醉曷足以嗤醒醒不足以知醉醉亦不足以
知醒孰知螺贏之與螟蛉心醉其利骨醉其名利盡而
心折殉名而骨驚豈二豪之足慕笑獨醒其何成獨醉
道者兀兀騰騰幸得全於天然養其拙以順情恭命玉
友延接蘭生相與道遊至德之世無機恬惓自然之庭

文經武畧之語醉鄉日月酒徒以飲器小者
曰文大者曰武金泉桂華露皆近代名酒

方湖別業賦

雙溪別墅實曰方湖東控滄溟西擁皇都蘭州曼衍雲
錦模糊有田一廛有宅一區我引我泉我疏我渠我灌
我園我溉我蔬蔬食為肉安步為輿行吟坐嘯足以自
娛或臨壽域名亭或即仙居名亭或隱而橘或入而壺左弧
與矢右琴且書枕麴藉糟懷瑾握瑜命速伯倫為招三
閭將補不足與損有餘我智如斯人無我愚則自謂何
如而清狂者乎

四癡子賦

覽江山之神秀卜嘯臺與雙溪養煙霞於朝暮躔日月
乎東西吟浮蓮葉舟嘯躡青雲梯計懸黎與結綠等土
苴與塗泥凌雲之氣吐成虹霓摩空之聲唾為珠璣覈
盈虛之消息搜臭腐之神竒窮大化於索隱味至道以
研幾齊其榮悴一其是非鼓腹而遊含哺而熙鷗鷺為
之相狎麋鹿為之相隨我忘物邪物忘我機忘我邪我
忘機無為之化日以自遠

一作去聖日
遠信德下衰

滅質尚文或以

身徇名或以身徇利茫茫終古邈有其人猶龍跨於迷

津實虎據於榮路苟馳聲而

一作以

騁價竟躡威而跖怒

吾何以知人心惟危休機

一作狂直

涉世特是一癡北山逋

客漫解蘭佩浪縛塵纓公危襲險質軀沾名山人奚適

道帙凝塵朝趨暮謁失素乖真法筵沈寂岫幌虛明雲

封蕙帳煙鎖山扃蘭路窈兮土花碧草堂閒兮風葉聲

夜漫漫兮鶴怨晝沈沈兮猿驚慨英靈之情苦讓游子

以詒之

詒音貽

競獻嘲而騰笑目逋客以移之客謂避地

逋謂冥飛御白雲以棲息茹紫芝以療飢嬰以時網絡

以塵羈就稱逋客亦是一癡吁嗟勞生心瘁營求陰傾
暗奪貌閑言柔詎味嚼蠟於橫陳希食畫餅為端憂訟
蕉鹿之真夢樂化人之神遊白蓮居士庸緣覺路去絕
妄源六塵斯濯五濁斯蠲悠然忘情一作心澹然忘言吾
不知其所以然而然香雲布地花雨漫一作連天依淨土
之香火結極樂之因緣塵塵剎剎極樂世界際天匝地
靡所不在天地之間逍遙自得違真背趣妄自生惑亦
是一癡獨醉道者叩彼玄關了心遺境遊無功之鄉納

無何之景結六氣之御遺八風之乘棄頑駭之穢德從

聖明之醇政

鄒陽酒賦清者聖明濁者頑駭

濯七情之內煎釋中腸之

凝結延羲皇之至化與機猜而謝

杜一作

絕門無雜賓不

妄相接入室者有清風對飲者是明月或御鶴觴或進

螺卮言不及道慮不及私處不知其所持行不知其所

之何尤物之淳德曾無補於明時吾從衆之有道務獨

醉以奚為狎杯玩杓酌諂諛孰謂先生偃蹇棲遲凝

神滯物有失推移亦是一癡何其婣

魚畧切

斫

齒畧切

何其

墨

音眉

尿

癡

何其膠

口交切

呀

口家切

何其怯疑青山背約黃

髮垂期酒徒已矣吾誰與歸醒邪醉邪慧邪癡邪似之

而非不可得而知也醉寢

音藝

未訖癡僊

音伺

相及矜其所

得銜其所適智有聾育事無終極癡醉之間不可致詰

獨醉之醉四癡之癡相與之守不知之知孰知心聲可

以攄懷孰知蠻觸角逐囂埃胡謂乎寶地胡謂乎蓬萊

唯恬體道於癡醉如復嬰兒之未孩

雪賦

并序

聖上御極之元年春國蠹間黷鳩合梟獍職
為亂階余遂自朔方挺身東邁為驚塵天闕
而周流窮野僅達天闕聖上北征還幸瓊華
島之廣寒宮時余脩員侍從會侍清宴雪作
不覺斐然技癢每欲攄蓄念為發幽情曾不
足自宣竊慕詩人比興引叙永懷敢述是賦
有姑射之仙人為玉華之真君總堪輿之所統運混元
於中宸宣五穀之精華驅造化之威神望剡剡以薄天

氣飄飄而凌雲橫庇諸夏光被四表則天之大固不覆
燾靈境奪晝陽烏隱輝幽荒失夜燭龍寢照布清明和
一之德遵純白無二之道厲色靜昏靈惠渥潤枯槁以
縞素為質以豐登為寶虛室宜其生白玉燭調於元造
符瑞圖云玉燭者瑞光也見則四時之
色洞如燭也爾雅云四時和謂之玉燭雲將為衛以脩
御風伯清塵而先導紛花雨以泛灑振玉塵而進掃歷
羣王之靈峯擁瓊華之仙島倚天外之清風異江山之
易老僻回中之荒寒陋齊宮之褊小駢崑閬於清晝列

蓬瀛於白曉

崑山閬苑蓬萊瀛洲皆行幸所也

寒庭挺琪樹

太洞玉經曰廣寒宮

中有寒庭

瑶草承珠叢晃蕩水精都

劉公幹清慮賦曰入水精之都

烜赫明

光宮玉京未足擬其麗羽人無以希其蹤來飄然而憑

虛去翛然而乘風揮斥八極神用無方定靈居乎瓊田

為長生之福鄉受天花之仙供

仙經有玉女散天花之說

治玉屑為

雲漿皓然塞乎天地與日月兮爭先白帝儀其羽衛元

冥懍其威靈勾芒沐其膏澤祝融儲其淳精其臨物也

肅其御物也清其利物也博其為物也明皜然而不滓

皎然而不涅蔽柔祗之質渝卑此君之腰折偉天上之

飛瓊

天上飛瓊稼軒詠雪詞中語也

保歲寒之名節抗盈耳之奇聲

琴曲

白雪有奇雪聲

揚效瑞之光烈播陽春於嚴凝藹幽蘭於芳歇

主白玉之樓臺顛爛銀之宮闕散淨界之空花下清都

之瑞葉彷徨乎塵垢之外逍遙乎清白之業青女屏跡

於環丘之庭素娥失色於金樞之穴冰姿艷逸玉質呈

露凜然自潔旌其積素謝白雪之帝鄉澹颺車之容與

辟驚塵之天闕竟裴回乎天路姑射仙人飄飄神舉經

其瑤域造其粉野

音墅

風雲感會應化制變將襲三封之

休祥

睿宗皇帝壬辰春正月乘雪大敗女真於三封

重冠百王之瑞典抵大猷

音奇

之谷稅飛遊之輦駕丹山之白鳳麾玉鸞為羽扇

軒

和人觀雪造物故豪縱千里玉鸞飛

解翳城之長圍却玉龍之酣戰密清

滄海之飛塵彈壓禹強之健羨由廣寒清虛之府即不

夜通明之殿差瓊縑於薄具駐倒景於清宴光宅真居

道映天下夜光明月銷聲鑠價調兮何高和兮何寡原

大塊而収乎神功命太素而秉乎元化包荒宏曠天然

異稟臨照無私以為已任御昭回之天宇逗長春之花
蔭致靈景於明庭延神光於清禁殊冀盪滌邪穢仍為
掃除氛祲計冰壺與涼簟始不妨其高枕

是日釋道會集故有神光

靈景之語釋二祖慧可初
名神光道書有靈景道君

聽琵琶賦

有美一人兮秀發英華超然獨處兮高謝紛譁邀我乎仙
居期我乎無何遺我以同心延我以輦婆挹之以綠蟻
進之以紅螺引流風於迴雪弄却月於淩波輕攏慢撚

感怨相和曰如何明淑忘我實多激流波以激霧結回
風於陽阿縱過雲之遊韻倚飛龍而長歌歌曰撫凌雲
而自惜兮殊驚伊其維何慨良會之遲暮兮怵佳人之
蹉跎

大尾羊賦

并序

端卿持節使博囉或曰舊康居也其國多羊
羊多大尾其大不能自舉土俗例以小車使
引負其尾車推乃行且乞余為道其所以乃

為之賦

世有癡龍發跡康居

音渠

播精惟玉効靈惟珠一角觸邪

名動神都六蜚奮御聲振天衢肥遯金華與道為徒體

純不雜質真不渝惟仁是守惟善是圖不食生物幸遠

庖厨含仁懷善其德不孤義合麒麟與夫騶虞馳背上

異馬尾後殊末大之名是專是沽小心惴惴中抱區區

務以身保支體毛膚青蠅莫逐白鳥莫祛尾大不掉可

恠也夫前偃而僂後蜷而病牽草縈茅土曳泥婁蘓其

土苴載以後車聽其自引縱其所如退不能却進不能趨莫順而情實累而軀冬委冰霜夏混蟲蛆末大之咎其至矣乎吁枝大於幹腓大於股不折必披是其證歟是其鑑歟

毀假山賦 并序

國東門外酒家泥為假山窮奇極怪以盡其變都人士女蜂喧蟻擾不得其門而入者數月有好事者惡其幻惑而圮之因述其事以

賦

粵若稽古明明我后誕敷淳化務見素抱朴切禁偽除
詐伊茲山之為物何得列此堂厦外藻飾以金碧中雜
糅以土苴態度殊常容貌閒暇示岩岩之屹立索眩時
之高價枝峯蔓岫莫能相下將競秀乎海上之三山角
壯乎雲間之二華抱无狀之詭質誠可愧而可訝敢惑
海內之耳目竊阿譽於華夏匪癡兒騃女而相尚浮誇
无以紛綸傾動京華致彼郊園涉春歷夏歌吹喧啾京

臺飛榭酒壚為之屢空人相為之枕藉繁華燈以繼晷
擬洞天之不夜曷渙浚俗之僻異獨撫心而悲咤以矯
誣為幾智以譎怪為秀雅其染輕浮其作塵瑣忌有所
觸惡遷其座既不推物出其右曾不接物虛其左其為
體也常自高於恬妥其為用也羗不勝乎頓挫豈拒雷
霆其脆易破弗任雨露其跡亦浣非席上之珍非可居
之貨无雲雨之姿當輦轂之下剗偽以真適足以賀逼
真以偽為鬼所唾化人奇幻期復嫁禍翕然同辭騰聲

附和疾甚則亂固知不可恐黃緣馴致蒲脯鹿馬人爲
物靈在境真假披露精誠敢告來者輿論橫議成功弗
毀我曰不然致遠恐泥推其誠者之謂信行而宜之之
謂義義爲人之正路信爲瑞之符契舍信何守舍義何
歸我智如斯人无我譏著誠去偽是可謂有成也離實
學偽非所以示民也有成爲難牖民孔易天地无窮古
今同致多前聖之格言智惠出有大偽作偽心勞日拙
抑先王之所棄夫其或者茲山之陟將新垣平之玉杯

與乎哀章之銅匱使寂寞於陸沈更无聞於人世吾用是知所謂聖人者詎一時之利驚萬世之患而短義人之氣也

永歌賦

并序

協洽之歲龍去鼎湖余還自蜀適值姦蠹螳動蜂起越明年東歸居雙溪書院以歌詩為事因采詩篇目凡五十題斷章取義遂作此賦命之曰永歌謂言之不足故嗟歎之嗟歎

之不足故永歌之也其詞曰

彼何人斯而比列星兮表武丁以進賢之為心况蜉蝣
出以陰兮蟋蟀而候秋吟懿文王之明德令聞兮維天
之命靡常撫小戎而遵大路兮獵非熊於渭陽有客爰
其冠而長其佩兮起高卧之東山冀烈文物於仁壽之
域兮釋民勞乎又安齊國壽於南山兮延生民於羲皇
播凱風為頌聲兮挹湛露為椒漿閔予小子寧知行路
之難兮猗嗟國步之多艱曷昏氓之多僻兮由巧言而

興端甘采薇而伏清白兮孰與還乎故鄉步徙倚於噫
嘻兮擬邈谷風而高翔歷吉日之良辰兮忽乎我將行
心既醉而莫持兮愧北山之英靈希依東方之日之休

光兮歛東方之未明

欽音侯

襲鷄鳴之出關兮恒惄惄以潛

征野有蔓草而聞其無人兮心瘁四牡之倭遲伏衡門
之投跡兮乃載驅而載馳風雨淒其瀟瀟兮蕙葭颺其
蒼蒼抑鴻鴈違寒而迅征兮何草不黃落而休芳日月
汨其不淹兮溘白駒之過隙惟北風之奮振兮虬青蠅

於榛棘系曰終期皇化而縣六合殊思文德以經國信
南山而大有佳處維清時不可以驟得



--	--	--	--	--	--	--	--

欽定四庫全書

集部

雙溪醉隱集卷二

詳校官中書臣徐志晉

侍讀臣孫球覆勘

謄錄監生臣陳祁

欽定四庫全書

雙溪醉隱集卷二

元 耶律鑄 撰

樂府

凱歌凱樂詞九首并序

列聖尤宋食言棄好皇帝命將出師問罪奏

捷獻凱乃作南征捷等曲云

昔我太祖皇帝出師問罪西域

辛巳歲暮駐蹕鐵門關宋主寧宗遣國信使

苟夢玉通好乞和太祖皇帝許之敕宣差噶

哈護送苟夢玉還其國辛卯冬我太祖皇帝

南征女真詔睿宗皇帝遣信使綽布干等使

宋宋人殺之睿宗皇帝謂諸王大臣曰彼自
食言素好輒害我使今日之事曲直有歸可
下令諸軍分攻城堡關隘由是長驅入漢中
此其伐宋之端也寧宗實錄第四百六十一
都幹苟夢玉銜命使彼宋四朝國史列傳第
七十七賈陟傳苟夢玉使北還宋閬州譙慶
茂所編蜀邊事畧紹定元年戊子制置使鄭
損與所代官四川制置使桂如淵會于順慶
使以時相所喻和議密指告之且畀以朝廷
所授苟夢玉使北錄二冊理宗實錄第八十
三紹定四年辛卯北使蘇巴爾罕來以假道合
兵為辭青野原沔州統制張宣誘蘇巴爾罕殺
之理宗日歷第三百九十五十月二十一日沔
州統制張宣誘蘇巴爾罕使曹萬戶勸殺理宗日
歷第五百一十一寶慶三年丁亥正月十一日
辛酉姚弼朝辭進對次奏通好北朝事上曰

以我朝與北朝本无纖隙不必言和只去通
好足矣尋食其言敢殺信使孰曲孰直明矣
故詳而
疏之

南征捷

食言自是是誣天遊鼎魚疑戲洞淵爭信有從天北極

目無江表已多年

拾遺錄瀛洲有洞淵廣千里
有魚身長千丈鼓舞戲其中

拔武昌

設奇包敵縱蒙衝絕似飄風捲斷蓬填得大江流不得

先聲已不見江東

戰蕪湖

一曰戰
丁洲

舳艫千里蔽江湖
檣挑樓船為騷音掃
除先直前鋒三十

萬一通嚴鼓盡為魚

下江東

舉國全兵失要衝
可無一策抗元戎
細推餘百年來事
合卺江神拜上公

定三吳

奮威驍騎下三吳
神將飛馳一丈烏
視彼衆雖百千萬

忝民遊動跨玄駒

克臨安

擬歌陌上行人去猶自傳歌陌上花花解語時應也問

即今春色媚誰家

坡仙有陌上花其序云遊九仙山聞里中兒歌陌上花父老云吳越王妃

每歲春必歸臨安王以書遺妃曰陌上花開可緩緩歸矣吳人用其語為歌含思宛轉聽之凄然而詞鄙野為易之云陌上花開蝴蝶飛江山猶是昔人非遺民幾度垂垂老遊女還歌緩緩歸陌上山花無數開路人爭看翠輦來若為留得堂堂去且更從教緩緩迴

江南平

橫野萬艘金翅艦總戎一冊玉鈴篇長江豈限天南北

萬劫坤靈戴一天

橫野大將軍位
次與諸將絕席

制勝樂辭

燁

音

耀威靈結陣鋒信爭敵愾獻殊功全師保勝清時

策元在天聲震蕩中

聖統樂辭

幸值聖明臨御日更逢文軌混同時聲熏天地神功頌

潤色光天統業辭

後凱歌詞九首

至元丙子冬西北藩王弄邊明年春詔大將征之

奇兵

一旅奇兵出禁宸略時彈壓定驚塵蕭條萬里無遺寇
信道天家又得人

沙幕

金節煌煌下玉京魚麗三十六屯兵一軍電激穿沙幕

萬燧雲繁戰野營

時大將北討偏師雲繁敵於大漠

集將

張良傳諸將皆與上定天下臯將也漢高紀燕人
來致臯騎助漢應劭曰臯健也張勇曰臯勇也若
六博之臯也愚意六博得臯者勝故以臯將命篇
臯騎雲騰自北征領軍臯將最馳聲橫穿外壁風前陣
直擣中堅月下營

翁科

蜂屯蠶簇亂山岵螳動鷄居亂草坡露體露形千萬指
懇祈天語許降和

崐崙

畔敵休矜戰騎多紛羅區落遍山坡那知未鼓投戈地

待闕前徒競倒戈

我軍與敵陣於崐崙未鼓敵潰投降者什五六馮奉世傳將軍有叛敵之

名注曰不敢當敵攻戰為畔敵也崐崙地名在和林西南

降王

控黃龍戍爭雄地登白龍堆搏戰場奇正相生神算在

糞除勅敵獻降王

科爾結

初若疾雷威似虎復如脫兔速於神想當持節為飛將

祇是如今著翅人

我軍輕騎取敵輜重于科爾結蓋河南地也後周韓果北征敵人憚其勛勇

趨捷號為著翅人

露布

露布突馳爭逐日電鞭撓遞闔追風只自向時龍尾道
競來雲集萬寧宮

燭龍

封略誰容限燭龍終將天地入牢籠雲興飈起威名將

也好先收第一功

遺敵出奔西北大荒
唐燭龍軍之邊地也

凱樂歌詞曲

并序

周禮大司樂曰王師大獻則令奏凱樂大司
馬曰師有功則凱樂獻于社司馬法曰得意
則凱樂凱歌以示喜也崔豹古今注引周禮
王大捷則令凱樂軍大捷則令凱歌與其所
引不同周禮无凱樂凱歌之別然則豹之辯
君臣尊卑之說于理為得不无所據郭茂倩

編次樂府詩集有晉凱歌二首隋凱樂歌辭
三首唐凱樂歌辭四首凱歌六首詠其君臣
殊勲異績聖上恭行天討北服不庭命將問
罪南舉江表國家盛事不可不述擬唐凱歌
體敢作凱樂凱歌云

征不庭

大駕北
征也

天下英雄入彀中得无威震折遐衝會須六幕氛霾了
化日長明照九重

取和林

恢復皇居也

龍飛天府玉灤春德水清流復舊痕

金大安元年河清上下數百里次年

庚午我太祖皇帝經略中原易乾鑿度曰聖人受命瑞應先見於河河水清坤靈圖曰聖人受命瑞必先於河

水清之徵太祖皇帝受命之符也德

自非電斷光前烈

誰得重霑雨露恩

和林城茲伽可汗之故地也歲乙未聖朝太宗皇帝城此起萬安宮城西

北七十里有茲伽可汗宮城遺址城東北七十里有唐明皇開元壬申御製御書闕特勤碑按唐史突厥傳闕特勒骨咄祿可汗之子茲伽可汗之弟也名闕可汗之子弟謂之特勒開元十九年闕特勒卒詔金吾將軍張去逸都官郎中呂向齋璽書使北弔祭并為立碑上自為文別立祠廟刻石為像其像迄今存焉其碑頽及碑

文特勤皆殷勤之勤字唐新舊史凡書特勤皆作銜
勒之勒字誤也諸突厥部之遺俗猶呼其可汗之子弟
為特勤勤謹字也則與碑文符矣碑云特勤苾伽可汗
之令弟也可汗猶朕之子也唐新舊史並作毗伽可汗
勤誌二字當以碑文為正

下龍庭

戡定北方也

翠華一動下龍庭生意還從一氣生樂國得非為壽域

聖人須自有金城

東漢書燕然銘凌高闕下鷄鹿經磧
鹵絕大漠踰涿邪跨安候乘燕然至

龍庭以前後諸傳事跡考之又以出塞
三千餘里校之龍庭和林西北地也

金蓮川

駕還幸所也

金蓮川上水雲間營衛清沈探騎閑鎮西虎旅臨青海

追北龍驤過黑山

子史所載黑山不一北中黑山又多皆非子史中所見者

折木臺

弄兵取敗之戰所也

辟易天威與勝風一場摧折盡奇鋒西北龍荒三萬里

併隨驅策入提封

上親擊敗西北弄兵藩王于上都之北地折木臺之西

駐蹕山

駐蹕所也

轅門鼓角揚邊雪營幕旌旗掣朔風相與河山雄帝宅

威稜尤壯受降宮

益屯戍

詔諸王益戍兵也

睿算籌邊勢萬全益屯貔虎在雄邊東連王塞西通海
南接金山北到天

恤降附

優詔存恤降附也

一新汙俗浴恩波天地間人感慨多我澤如春民似草
聖元天子布陽和

著國華

西北諸王稱藩繼有平南之捷也

四海承風著國華更无龍虎

龍虎二陣名也

漫紛拏際天所覆

人間地今日都須是一家

後凱歌詞九首

詔發諸軍有事於朔方也

戰盧朐

神策霆聲振九區縱兵雷合戰盧朐競將蔽野衝雲陣
只片時間掃地无

區脱

雲屯區脱會天兵雷動龍趨從北平馳驅日逐飛龍陣

夜薄花門偃月營

國朝以出征遊獵帳幕之無輜重者皆謂之區脱凡軍一甲一竈亦皆謂

之區脫史傳所載區脫即此史記中間棄地各居其邊
為甌脫韋昭曰界上屯守處索隱曰纂文云甌脫土穴
也又云是地名前漢書漢得甌脫王發人民屯甌脫以
備漢晉灼曰甌脫王因邊境以為官蘇武傳區脫捕得
生口服虔曰區脫土室北人所作以候漢者也李奇曰
北人邊境羅落守衛官也師古曰區與甌同區脫本非
官號北人邊境為候望之室若今之伏宿舍也因其所
解不同故備錄之以各居其邊及備漢捕生口之說明
之是邈邈者之
營幕也審矣

克夷門

蟻擾蜂喧笈騎過鼓僥爭自落長河人人闔說空鞍馬
不似今番數最多

高關

駢馳追銳翼摧鋒
梟獍窠巢一夜空
光射鐵衣寒透徹

冷風如箭月如弓

我軍掩遺敵于高關塞境史記趙武靈王築長城自代傍陰山下至高關

青將六將軍軍出朔方高關漢書衛青李息出雲中至高關後漢祭彤出高關塞吳崇出朔方高關則其地也通典高關唐屬九原郡九原縣西北到受降城八十里唐書今之西城即漢之高關塞也北去磧石三百里追銳摧鋒皆軍名也

戰馬支

羽檄交馳召虎賁
期門受戰已黃昏
信剪鯨鯢知有處

山川爭震蕩乾坤

馬支山在張掖右軍殄敵二大慙于此霍去病涉狐奴轉戰過燕支山即

此也

涿邪山

鼓譟謹山撼涿邪飛龍庑

音修

翼翼掩騰蛇露營罷繚神鋒

弩雲陣猶轟霹靂車

我軍敗敵于涿邪余嘗有處月說稗載其畧於此云云南鄰處月之

郊和林城唐碑文也未曉處月之為言有問及余者因為之說云云處月之言磧鹵地也史記漢復使因杆將

軍公孫敖出西河與強弩都尉路博德會涿涂山注音邪前書因杆將軍出西河與強弩都尉會涿邪山後書

祭彤傳出高闕塞九百餘里得小山妄言以為涿邪山實憲傳鄧鴻與後諸軍會涿邪山阜林溫禺犢王於涿

邪山聞漢兵來悉度漢去班固燕然山銘經磧鹵絕大
漠踰涿邪涿邪山者其山在涿邪中也涿邪後聲轉為
朱邪又聲轉為處月按唐史沙陀處月種也莊宗紀其
先本號朱邪後自號沙陀而以朱邪為姓者是也南部
新書北人三十輩於大山中見一小兒遂收而遞養之
長求姓衆云人共育得大遂以諸耶為姓朱邪者訛也
此說可笑朱邪即涿邪也諸耶二字俱是華言避荒殊
俗隔絕中華焉如華言以為族望處月部居金娑山之
陽蒲類海之東皆沙漠磧鹵地也西漢書注薛瓚曰沙
土曰漠其說得之即今華夏猶呼沙漠為沙陀突厥諸
部遺俗至今亦呼其磧鹵為朱邪豈可謂以諸人為父
耶朱邪初曰涿邪後聲轉為朱邪又聲轉為處月今又
語訛聲轉為川如天竺初曰身毒後轉為捐毒又轉為
天篤篤省文作竺竺又轉為竹音蠕蠕初曰柔然後曰
蠕蠕又曰芮芮秋歷訛為救勒又訛鐵草步搖訛為慕
容秃髮訛為吐蕃若此之類不可勝記是皆從其親譯

及所書之人鄉音輕重緩急而致然爾且諸夏方言尚不能同況中國事記外國語元無本字但取其音聲之近似不可取其訓詁訓者釋所言之理詁者通其指義所記之語既無本字宜有所言之理所通指義者哉云云曹孟德攻袁紹為發石車紹衆號曰霹靂車騰蛇陣名見後魏書飛龍亦陣名

金滿城

元取北庭都護府府境都鄙有城曰金滿城
後漢書云金滿城此其西域之門戶也

寄重旌分閫外憂順時驅率萬貔貅迴臨金滿城邊日
奄奪蒲昌海氣秋

金水道

旁張虎翼攬風陣直突龍城襲雪山連夜可通金水道
防秋豈在玉門關

京華

橫車組練似春花來自天涯與海涯說道掃除祲氛了
凱還歌奏到京華

德勝樂二首

揖讓躋龍歷謳歌適鳳符鑿空十萬里攘地幾千都

神斷光宏業天威震八區控弦三百萬自號感恩都

騎吹曲辭九首

金奏

大夏王庭前納款大秦歸義繼來降舞鸞歌鳳音相和

未許天山數帝江

大夏國大秦國皆見漢書王庭歸義州見唐書羈縻州府

玉音

燕巢飛幕負恩私遠近囂然共一辭列聖玉音明在耳
敢忘龍道請降時

白霞

前騎傳聲掩白霞後軍猶未過烏沙勢須貴合為猿臂

相制尤當似犬牙

白霞在
和林西

眩靄

毳幕雲羅寒露野羽旄星屬眩靄鄉悔將峴望風塵眼
不為長觀日月光

塞門

邏騎紛紛與冠軍遮相窺隙伺撓昏倚曾延敵臨高闕

示歛疑兵突塞門

受降山

望風降附祈為地披露精城示所天若非上將龍旗下

會是中軍虎帳前

自高關之捷敵稍稍來附我軍遂屯古受降城山下其土俗曰拂雲堆者

此也由是知其非漢公孫敖所築受降城是唐張仁愿所築三受降城中之受降城也因以受降名其山即述其事云

鳳林關

祇須盡敵巡烏水未可移屯過鳳林切索更虞蜂蠆毒

恐還爭縱虎狼心

司約

留犂可要教撓酒徑路何為更契金事宜出人明算外

慕容虛美漫熏心

北中諸國風俗凡大盟約必以金屑和飲其所從來遠矣漢車騎都尉韓

昌光祿大夫張猛與呼韓邪單于為盟約呼韓邪單于徑路契金留犂撓酒應劭曰徑路北人寶刀也留犂飯乙也撓和也契金著酒中撓攪飲之顏師古曰契刻撓攪也撓呼高反

軍容

雖許侯王復正封養威尤可耀軍容漁陽馬厭銀山草

鷄鹿屯營鐵堠峯

銀山在北都護府境土人今尚有此稱銀山外有大磧曰銀山磧世俗所

謂鐵堠者在金山下

後騎吹曲詞九首

吉語

交鋒接矢無虛月按甲休兵定幾時計日必須聞吉語
敢先期獻凱歌辭

金山

黃花堆上冷雲閒
曠騎雷奔去又還
說敵自相爭粉潰

迴戈霆聞過金山

天山

曜我皇威下帝臺
靈旗真係北庭開
定應六出奇寒雪
瀚海陰風結陣來

處月

陳兵濶里黃蘆淀轉戰斜車

尺遮切

白草峒飛騎星馳穿

處月追亡逐北入沙陀

我軍敗敵右部于處月濶里嶺名臨處月黃蘆淀斜車山名在

濶里南大漠又去斜車西南數百里

獨樂河

貝冑星離爭射日蜂旗雲合迴生風雷馳霆擊相紛薄

獨樂河邊水草中

唐史獨樂河
又曰獨遜河

不周

熊羆此去從無定梟獍當來自不周清一八紘天意在
已教剋復了神州

遼綈絲

長驅席卷盡連營震攝黔雷撼北溟虎豹騎從雲騎隊

幾臨西極到殊庭

邏迖

磨崖金字崑崙頌勒石銀書邏迖銘且述要知方略在
聖人不戰屈人兵

柔服

柔服禺強總四溟神開寶厯見時情夜陪萬國昇平望
蹈詠清風播頌聲

後書崔駰傳詠
太平之清風

古戰城南

結陣背南河指顧望城北冠軍申號令謂彼是勍敵今
朝一戰在有國與無國但得社稷存此命不足惜風雲
為動色士卒為感激竒正遽雷合橫衝奮霆擊雌雄勢
未決忽忽日將匿以劒指羲和揮戈呼上聲天日天地有
情時敢乞饒一擲貌虎張空拳搏戰到昏黑忽焉如海泄
聲震裂區域對面不辨人何許可追襲平明按戰所澗
壑盡平積畢賀雪前恥有力于王室拜詔未央宮哀懇
辭封邑五湖舊煙景先師有遺跡

戰城南

自來古戰場多在長城南少在長城北茫茫白骨甸如
何直接黃龍磧或云是從漢武開西域耗折十萬衆博
得善馬數十匹奮軍勢務鏖擊往來誰洗兵赤河水猶
赤終棄輪臺地其地於中國失之且何損得之本無益
歷計其所得皆不償所失雖下哀痛詔追悔將何及此
是萬萬古華夏覆車輟底事畜緣其軌迄李唐競喜邊
功好大矜英哲明皇不慮漁陽厄萬里孤軍征碎葉

通鑑

天寶十年安祿山兼領三鎮是歲高仙芝及大食戰于怛羅斯城敗績。隻輪曾不返得無

五情熱暴殄生靈塗草莽忍徇虛名為盛烈君不見世

間人心固結是謂帝王真統業君不聞四海內有美談

至元天子平江南何曾漂杵與溺駭聖人有金城貴謀

賤戰不戰屈人兵

白骨句在唐燭龍軍地有西僧智金者該通漢字云古老相傳白骨句從

漢時有此名

結襪子

二首并序

帝王世紀曰文王伐崇侯虎至五鳳墟襪係

解顧左右無可使者乃俯而結之武王至商
郊牧野誓衆左仗黃鉞右秉白旄王襪解莫
肯與王結王乃釋旄鉞俯而結之漢書王生
襪解張釋之跪而結之唐李白結襪子辭大
抵言感恩之重而以命相許也郭茂倩編次
樂府詩集所序如此燕南壯士吳門豪筑中
置鉛魚隱刀感君恩重許君命泰山一擲輕
鴻毛太白結襪子辭也可謂絕唱然則高漸

離專諸之任君子不取詳味題意紬繹史氏

感恩許命則太公其人也太公八十

孔叢子太公八

十而遇文王諸書所載皆不同

而遇文王武王十三年

史記作十

一牧野之戰太公年近九十時諸侯兵會者

車四千乘紂之兵七十萬太公與百夫致師

武王馳之紂衆崩畔是其感恩許命之效也

故作前結襪子士子歲夏聖上在潛僕受再

生之恩自上即真西北諸藩弄兵不已因作

後結襪子以寫愚態非敢傳諸作者庶可示
之子姪而已

前結襪子

五鳳聲騰白日光
牧野昏荒慘無色
精誠一作風雲感激致

師人叱咤雷霆覺天窄

後結襪子

未應一吐一作只明月珠
便欲延光萬千一作千萬載請吞臬

獍剪鯨鯢直蹴崑崙過西海

前突厥三臺

驢騎生馬射鵑兒恰似征西小月氏
笑說漢家將野戰
得非是我受降時

鴈門關北分降地馬邑山南已拜

一作拜戰

旗盡道漢家無

顧籍錦帆終不有迴期

後突厥三臺

陣雲寒壓渭橋低四野驚雷殷鼓輦
約定引還雲騎去

一時爭噴北風嘶

突厥凡征戰惡馬噴嘶以為將敗之徵

龍虎揚威指顧間
先聲已碎玉門關
向來香火情何在
已說元戎逼鐵山

婆羅門

六首

有索賦婆羅門辭者時西北諸王弄邊余方
閱西域傳因為賦此迴樂峰前沙似雪受降
城外月如霜不知何處吹蘆管一夜征人盡
望鄉唐婆羅門辭也樂苑曰婆羅門商調曲
開元中西涼府節度楊敬述進會要曰天寶十

三載改婆羅門為霓裳羽衣

熱海氣蒸為喜雨凍城寒結就愁陰中心甚欲期真宰

教使人知造物心

安西都護境內有熱海去熱海四十里有凍城唐新史同

青嶺亘如顏碧落赤河長似浸紅霞是天柱折天傾處

龍戰重淵尚攫拿

安西都護境內有青嶺與赤河唐新史同

雪海迤延窮地界雪山迢遞際天涯但為日月光臨處

終一曾偏照一家

雪海在安西都護境唐新史同雪山在其東鄙

黃草泊圍青草甸白楊河繞綠楊堤依然名是叅天道

誰使唯聞戰馬嘶

北庭都護境內有白楊及黃草泊唐新史同國朝所設驛傳東臨三韓西

抵濛汜黃草泊白楊河皆正驛路也

弓月山風長似箭燭龍軍火亂如星祗除盡挽天河水

可洗兵塵戰地腥

北庭都護府有瀚海軍本燭龍軍也府境有弓月城弓月山是謂弓月道

出兵路也唐梁建方嘗為弓月道總管

黑水且誰為翠水白山原自是冰山得非煙客乘龍火

為煽洪爐到世間

天山軍在西州交河郡夏絕無雨其熱甚于炎方唐舊史北庭都護府自

永徽至天寶管瀚海天山伊吾三軍天山一名白山以其四時永雪不消因以名之唐新史北庭都護府境內

有黑水及
黑水守捉

上雲樂

金天老丈康平居隘神州金丹清真仙相將汗漫遊同
流六合棲遲七邱涉歷八表盤桓十洲鵬其化龍其變
地軸為之回其運天輪為之平其轉日域為其上陽宮
月窟為其清涼殿鸞鷟是家鷄狻猊是家犬真樂萬春
為局促待把三光更舒展非聖不足知天長將地遠扶
桑有時枯澁汜有時竭南山有時摧釣天有時闕殊度

仙曲擬進帝闕九成玄雲六變絳雪五色成文而不亂
庶可播振芳聲騰浩劫上天下地微康老畢竟孰能知
歲月玄都仙伯太山老叟延致異鳥名曰希有一翼左
覆東王公一翼右覆西王母得人備羽駕故能出入遊
造化逍遙巡宇宙感麟鳳在郊藪至道之國常為稱首
驟來輒敢戀明時表其老耄知去就擁仙仗携仙友褒
拜聖君奉神貺鳳簫在前鼉鼓在後玉笙在左錦瑟在
右作天樂獻天授

天授樂

若鸞自歌鳳自舞焚返魂香頂

玉斗健舞起自補天手浩歌發自談天口仍倚鳳臺曲
鳳凰和九奏南極老人稱觴北斗挹酌天酒願與九州
四海同上千萬歲壽古今樂錄上雲樂有鳳凰曲又有
鳳凰臺曲和云真樂萬春太山老
叟見容齋五筆載五
方老人祝聖壽文

門有車馬客

烏鵲遠屋鳴有客停征驂問客何自來君家寄家書攝
衣起迎客開書多苦辭薜花不長好玉顏亦易衰水行
有却流人行無反期置書拜謝客豈不心懷歸事君有

明義不得顧所私作書附客返路遠幸勿遺上言重自
愛下言長相思相思勿相怨自古多別離

起夜來

是處笙歌席一一凝塵埃羞掩合歡帳獨燭夜明苔徒
倚步中庭候蟲一何哀滿天秋色裏鴈過黃金臺所願
隨清風明月入君懷中心有勞結期以向時開願想就
珍簾還出繞蘭階美人來幾時知人起夜來

採荷調

并序

汎舟方湖見其荷盤布護露珠凌亂有歌蔡
蕭閒翡翠盤高走夜光詠蓮樂府催酒遂以
荷盃相屬偶憶江從簡採荷調擬賦此樂府
廣題曰梁太尉從事中郎江從簡為採荷調
曰欲持荷作柱荷弱不勝梁欲持荷作鏡荷
暗本無光以刺何敬容敬容時為宰相覽之
不覺嗟賞愛其巧麗

荷盤承露珠何時成夜光荷蓋承日華何地得清涼雖

曰是荷衣且難作霓裳雖曰是荷杯長難酌酒漿欲以
荷為鈿不可飾時粧欲以荷為錢不可博明璫擬荷如
寶鏡不能照膽知肝腸擬荷如紈扇不能鮮潔如雪霜
其莖有輕絲難織錦流黃其氣有微馨難劑水沉香有
名無實不足取似是而非良可傷流螢將擬流火烏亦
與姬發呈休祥

大道曲

春風吹綉陌花滿帝鄉樹絲柳裊芳煙細用黃金縷分

明須盡是引蕩人心處車馬往來塵儘結成紅霧樓上
琵琶聲倚歌臨大路鄭重且一作只休教放得春迴去

玉華鹽

三首
并序

樂府雜記載隋薛道衡昔昔鹽一首又曰折
折鹽唐趙嘏廣昔昔鹽為二十章樂苑以為
羽調曲樂府詩集又有無名氏昔昔鹽一首
朝野僉載龍朔已來人唱歌名突厥鹽容齋
載元怪錄蘧蓀三娘工唱阿鵲鹽又黃帝鹽

白鴿鹽神雀鹽滿座鹽歸國鹽唐詩媚賴吳娘唱
是鹽更奏新聲刮骨鹽然則歌詩謂之鹽者如吟
行曲引之類也因獨醉園對雪作玉華鹽三曲云

玉華仙詠玉華鹽愛玉華鹽分外甜但是梨花春在處

不消重設却寒簾

梨花春見吉甫詩長恒沽此酒樂天詩青旗沽酒趁梨花時俗號為梨花

春吉甫詩中所載非樂天所詠梨花春也

玉妃隱映水精簾相與天花舞畫簷玉潔冰清誠可愛

不因仍更有人嫌

韓昌黎雪詩白帝盛羽衛從以萬玉妃

瑞雪香融注玉蟾羨誰家醉捲珠簾風流柳絮因風起
只謝娘宜唱是鹽

白霄有雪香酒玉蟾蓋名見逢原記

沐浴子

濯纓與濯足應欲任其真沐芳及浴蘭應務潔其身難
洗耳中事易洗心上塵世間原自有常是洗心人

一作祗當

憐洗耳不似洗心人

築城曲

一行杵後一行錐只是嫌虛恨役遲誰謂築城堅不得

堅城豈在隱

去聲金椎

五言古詩

古意

黃鵠

一作鴻鵠

巢高林竈竈穴深淵且各得栖宿人獨胡不

然釋耕於壠上妻子耘其前人笑苦畎畹何以遺子孫
聊以一二答不可求僞論人皆遺以危我獨遺以安春
風吹布袖雲滿鹿門山

遊僊

絳節擁紅雲鳳吹隨鸞扇遊歷萬華宮轉宴諸仙殿金

母願接懼玉真求識面為我問

一作謝

時人誰曾是媒援

高蹈步天衢真遊不知倦又遇西王母屢會瑤池宴

傳

王母瑤池宴
宴蟠桃也

前後三千年蟠桃開一遍為我問羣仙幾

見春風面

真游挾飛僊

真游挾飛仙懸居何縹緲琪樹不知秋玉庭長似曉碧
落無纖翳天衢淨如掃底許吟真聲仙韶動雲表容與

太素域時復隨青鳥朝遊閭風苑夕宴蓬萊島
城玉藥花崑墟玉紅草可醉亦可玩堪期後天老

問真宰

九色夜明珠豈不有光彩終惜暗投人含情欲誰待
不惜珊瑚鞭為君策駕駘此意竟何如將何問真宰

小垂虹

虹光迥回遠似令殊有待延留五色節俄軫九華蓋
泰山是邱垤黃河細於帶且昔欲誰知遊心在天外

村行一篇未第時在大坂作

青山護村落暗水通溝渠人行未忝間漫漫迷所之里
社壓新醪擊鮮賽叢祠田父相勞苦雨暘無失時龍骨
掛屋教秋熟可預期行行度崗澗泉石多幽竒微風發
清籟好鳥吟高枝此中有佳趣豈無幽人知去住兩不
可空吟招隱詩

隋堤田家行

日月會龍旂三農能事休犁杖倚空室霜林卧羸牛十

二三年間不如今歲秋田翁復何事終不信眉頭云以
縣官令稅租俱見收赤窮固有命白著非自由又云有
飛詔少壯不一留半鑿通濟渠半搆迷藏樓言罷長嘆
息涕淚交橫流出門竟無語回首漫夷猶

送胡壽卿南歸

雲山千萬里馳驅來帝闕君自到和林寓居四踰月客
中太寂寞塵鹽事孤潔錦衣歸故里薄官試鹽鐵匹馬
送君歸關山正黃葉征鴈聲淒淒悲笳鳴咽咽回首南

州道行人愁欲絕龍庭八月初西風吹寒雪之子到甘
棠黃菊重陽節信筆作此詩贈子以為別

送潤甫行

得水字

拊節過行雲浩歌山色裏落絮積晴雪東風吹不起遠
道趨鵬程相思若為已攬轡入長煙孤吟送春水

送人還燕然

去年來帝闕籬落正黃菊今年還燕然春光明遠目再
三挽不留歸心何太速回首落花多滿川紅蕖蕪蕪驅

萬里程阿誰慰幽獨寂寂寒山行寂寂寒山宿啼鳥幾
聲遲淡煙芳草綠東風千里人明月半軒竹漢苑穴狐
兔姑蘓走麋鹿功名半紙薄興亡等棋局可笑百年身
黃梁猶未熟不發離別嘆不唱陽關曲桃李醉逢場夕
陽倒船玉

對竹引

勁節凌雲漢沈沈翠如束春靜瑣窻深驚風碎寒玉聯
聲金鳳凰雙飛夜雙宿寂寞野桐花年年老空谷

雲漢一作

雲霄沈沈
一作森森

剪流水

莫持金剪刀決絕剪流水莫將尺素書慙慙託雙鯉水
豈似人情魚豈知人意魚水自相親肯與人為計

同心結

湖中已種藕湖邊還種柳柳絲與藕絲同在佳人手除
是結同心同心最長久

春自來

日月雙飛翼天地一遺卵無天地不卑無日月不滿時
序相代謝曾不偏寒暖晝夜互乘除曾不有長短因究
萬物情凝神舒頓緩斷知春自來何須候仄管

西天諸國歷議

亦云天地之形如卵

對酒

淒者

淒音縷

沈杯杓醇醪同一味狂風偃秋草蘭艾同一

悴賢愚不同調

賢愚酒見醉鄉日月

薰蕕不同氣如何昧去就欲

令為一致安得使賢愚各分於一器安得使薰蕕各生

於一地我志誠如斯未審化工意

金庭不死鄉

金庭不死鄉真境延閒燕瓌瓌瓊瑤樹朝映朝元殿靈
景一何清寂然聞鳳嘒但見玉階前游蜂弄花片

對月吟擬諸公體

獵人設網羅不掛月中兔豈無烹兔意難求登月路月
殿免長生人間幾今古抱杵影徘徊天狼空自苦樵者
勞斧斤不斫月中桂豈無薪桂思難籌攀月計月殿桂

長榮人間幾興廢倚鏡影婆娑天風搖不碎傾影聽人
歌揚輝伴人舞何事在華筵分明作賓主蹤蹤各無聊
乾坤兩棲旅舉酒壽姮娥向人終不語

七言古詩

讀新樂府

霓裳羽衣曲玉樹後庭花不知相與迷春夢綿歷人間
第幾家

苦旱嘆

六月亢旱田苗枯自嗟自嘆耕田夫差官咫尺徵秋稅
今歲田家一粒無飢民日日望霖雨雨意欲成雲散去
天公胡不用老龍年年祇被蛟螭誤

觀友人所藏佛牙

竺乾大士哀羣靈出示大教拔幽沈漢明夢兆頗神異
具書梵譯來千岑翕然風譽聳華夏寶方精像輝雲林
傳聞遺骨未灰朽流散諸國磨古今竭來偶得見一齒
照坐粲爛如璚琳當時左右廣長舌咀嚼風雷興潮音

炯如珠珞吐光怪洗我曠劫塵埃襟目瞻頂禮固其事
豈必罕堵埋千尋憑君韞匱善持護為絕陰怪窺窬心

漆城謠

漆城光蕩蕩冠來不得上一朝變起望夷宮不及思旃
曾技癢

述實錄

四十
韻

修征蜀實錄每以二鼓為期方息中夜聞笛
既覺緬想實錄事跡亦如夢寐愴然無以為

懷述此寫之

承天聖祖開天業四海為家盡臣妾規模宏遠古無比

太祖封諸親王封域東盡東海西盡西海自古未有如此規模之宏遠也統緒宣唯垂萬業

竭來海水不揚波向見靈河已清澈

金大安元年河清上下數百里次年

庚午我太祖皇帝經畧中原易乾鑿度曰聖人受命瑞應先見於河水清河清之徵太祖皇帝受命之符也

際天所覆樂心戴愈見人情皆感切折衝猛銳競陳力

骨鯁貞良咸就列龔行天罰攘撓槍著處鯨鯢殊前截

列聖未出無名師歷世彌光光聖烈推七固存非一國

迷不知時非僞傑世評青野食前言

辛巳年宋主寧宗遣國信使苟夢玉

通好乞和太祖皇帝許之敕宣差嘴哈護送還其國辛卯冬太祖皇帝南征女真遣信使綽布千等使宋青野

原宋汴州統制張宣誘蘇巴爾罕殺之此其伐宋之端也

不若犬偷及鼠竊誣天復

敢拘行人

後戊戌年七月哩密什等百人使宋竟拘留不遣

妄專狙詐誇明哲

國猶攝生貴處順水背流時源易竭即今日削盡疆場

其勢得無憂迫脅若然仍不畏天威曷異螳螂怒當輒

未知其可將蠻觸相與區區較優劣武皇問罪揮天戈

徵發諸軍自崑碣翠華遙下五雲來輒報錦城氛祲滅

方入蜀使告
雲頂之提

危蹕貌貅三十萬爭欲先驅掃妖孽搏熊

攫豹捷飛猱

諸將緣蜀道搏熊豹
捷猱輪之和林

赴險蹈虛矜膽決紛

馳傳檄啟途使英蕩輔之龍虎節懸崖萬仞入雲端前

馬不行應氣攝虹梁縹緲架層霄

興利州至三泉縣橋
閣共一萬九千三百

十八間護險偏欄共四
萬七千一百三十四間

高興動人殊可悅若非由蜀道

登天豈與飛仙得相接

飛仙嶺相傳徐佐卿化鶴路泊
之地故名飛仙上有閣道百餘

間即入
蜀路

騰傾湍瀑翻驚濤怒震橫流還逆折千巖萬壑

殷晴雷捲起千堆萬堆雪飛閣尤非地上行劒門呀似

天中裂

劍州劍門縣在州東北五十里酈元水經注曰大劍戍至小劍戍三十里飛閣相通謂之閣道

壁立千尋冷翠屏碧霞城擁清都闕振衣直上玉女臺

下視煙塵望吳越五丁碎徙青黛山萬簇蠶叢

一作簇

堆疊金城雖包裹全蜀勝負莫非由勇怯孰云無所騁

驍騎閉口勢何勞捕舌

時得宋蠟丸書云云雖驍騎萬羣安所用之

天乘應

未誘蜚萌堪嘆顓蒙與天絕

劍門苦竹隘招之不降遂拔之

寧知皇化

如時雨與濟迷津作舟楫會聞蓬閣朝真仙

蓬閣學州皆納土降

簞食壺漿盡迎謁紛綸諸將無虛日爭奏歸期爭獻捷

旌門勅樹受降旌

時旌門外勅樹受降旌凡降者於其下待詔優恤

冀致窮民

遂安帖莫知天欲將如何英猷一旦為虛設無雷東墜

孤山峯

御營東山無雷傾圮

驚風西捲旗竿折

御營西軍風折旗竿

龍橋忽

焉悉中圮

攻釣魚山上下浮橋遽中圮

變鼓磬

音貼

然尋亦歇

大駕戰鼓初聞

數十里之外後雖三數里不聞

忍令飛駕鼎湖龍持拔龍髯墮塵劫

列仙

傳丁約曰儒謂之世釋謂之劫

笛聲喚得夢回來梅梢猶印西窗月

密谷行

金崇慶間添壽榮祿領驍果駐京畿為聲援

聞聖朝太祖皇帝圍守西京東海遂命添壽
將諸路兵八十餘萬號稱百萬援之仍賜手
詔曰今悉國力當清北方次密谷口時太祖
皇帝親率大軍先以前騎三千當之大軍
繼至未鼓敵潰全軍覆沒

命驍銳為聲援選步騎發畿甸號稱一百萬一一皆精
練旌旗虹亂渡桑乾絢野如花陳組練移圍布陣密谷
口吞敵出奇將伺便前拒避賈勇中堅已受戰天兵震

天威不異弄雷電先驅遊擊隊勢若風雲變

兵有風陣雲陣鵬

鶚橫秋空奮翼驚雞犬斯須跼

音

台籍盡八九終了不會

還一箭永安宮大安殿方待凱旋迴賜宴惟有孤臣鬢

成雪緣底眉頭殊不展智謀士見未然事竊嘆衆皆非

所辯

參政孟鑄數上書言北方必稱兵胡沙虎必變

堪憐當日金源氏誰編良

將忠臣傳

金源氏實錄孟參政鑄無傳添壽榮祿有傳

蜀道有難易

并序

李白作蜀道難以罪嚴武後陸暢感韋臯之

遇作蜀道易云蜀道易易於踐平地戊午秋
余入蜀漫天嶺阻雨次秋迴至此嶺帶雨因
二公之作為賦蜀道有難易云

有言蜀道難有說蜀道易難於上青天易於踐平地說
易有所媚說難有所激君曾不見與前修折衷誰秉江
山筆我來高蹈仙人蹤控御遺風縱遊歷連雲氣霸

圖中

世俗總號蜀道為連雲棧道

險阻形勝限疆域黑龍衝斷萬層

山駭浪轟雷恣奔擊攢峰疊嶂冷雲間綿亘倚天駢翠

壁飛梁架雲棧勢欲跨南北虹橋絡河漢鳥道掛空碧

歷其天險臨其峻極望舒按節陽烏歛

一作側

翼擬循雲

路趨鵬程仰天直上青雲梯躡虛且何異登仙但覺日

月行寢低終踰絕險得馳驟驟步媧皇補天石微茫一

逕通烟霄攀緣更上蒼龍脊彌旬霖雨秋行潦迷原隰

豈不慮蹉跌路岐多墊溺一聞漫天名心寒已如失況

復壅大道與道為通塞無慮千籌將萬計智推力引方

行得請設漫天前後論蜀道一言或可畢未應難於上

青天飛閣遞連通利走去聲名趨日夜往來何絡繹不應

易於踐平地棧蹬缺尋引天荒地老蕭條斷絕人聲跡

致令振古豺狼心曾不祈天賭一擲自蠶叢且稽代謝

幾人一作家恃險曾終吉適足笑王公設險以守國在德

不在險昭然如白日上青天踐平地始可與之言其道

難與易行路之難難於上青天蜀道之難若比行路是

平地出處雖然全在人世路不能無險易長途豈可比

青天誓鑿漫天作平地

送楊子陽南還

鞭催瘦馬出龍庭
白酒一盃送子行
山頭積雪寒皎潔
風物淒淒傷別情
窮廬冰漸結
吟硯行人欲去愁展轉
功名入手頭未白
世態浮雲幾千變
何如有酒且高歌
百歲風光如過電
如過電人生幾度春風面

送玄之

東風二月吹和林
綠楊庭院空深沉
整襟危坐罷舜琴
時聽百鳥自在吟
冷冷流水漱寒玉
半天蕭颯松風音

呼童為我金波斟悠然一笑忘古今書齋盡日無人到
門掩落花春自老蓑裏杖履夕陽閑回首春風又衰草
長安遠客來紫宸紅塵滿面初相親挑燈風雨秋夜永
詩成落筆愁鬼神縱橫議論小天下當時誰謂秦無人
一朝別我出祁連黑山風雪十月天分襟執手小溪邊
何時客牀相對眠他年乘興遊京洛詩酒無寒金谷約

送趙敬叔

去年見君瀚海東蒼松鬱鬱山重重今日送君之鎮陽

寒烟漠漠天蒼蒼休嘆蕭蕭行路難兩袖春風衣錦還
二年兩度客天涯離合都無咫尺間一樽白酒羨君侯
入手功名正黑頭今年蝗旱民切痛賦稅須知有輕重
一生富貴將幾何西風吹破邯鄲夢自愧趨鳳池空有
別離詩紅塵無處避擾擾心如醉何時高隱舊林泉卧
看人間等兒戲

送人還鎮陽

雲黯慘風浩蕩故里風光空想像寒餘三月索貂裘凍

崖冰雪三千丈，天淡淡路茫茫。
送君萬里還鎮陽，楊花點點山城雪。
啼鳥一聲春晝長，多離別少歌笑。
功名催促行人老，玉簫吹斷碧雲寒。
梨花寒食空過了，君不見洛陽樓觀。
今蕪荒梧桐葉落，秋風涼寒波寂寂。
山蒼蒼

次韻趙德載大監餞行

君不見畢毛召芮，強宗周亮天不朽。
言行功間平歆向，漢人望道宗孝恭。
唐治戎一時八相九才傑，白賀胄中
五色茸聖朝舉親加東擢，封植教誘從元豐。
蕪臯卑飛

華岳隼鼓車暫屈翔麟驄召還喻蜀監王國三雍入對
文清雄昨者臨分勤造請是時暑退火星中公瑾之交
似醇酎吉甫之頌如清風博山麝注玉鎮席翠壁雪乳
金釜龍小人自分悠悠者裨謔謀野淵明窮急觴高詠
鼓英氣颯然危冠髮上衝端敏高明必貴達果信頑鄙
根中庸

摘阮行呈呂西岡

西岡老子古鄭客灑落心胷如唐

一作

李白或歌或嘯或

吟卧

一作吟哦散髮披襟坐

萬壑清風松下座呼童取得古錦囊

月魄囊中暗驚墮制度風流特奇絕韻高不許俗人別
試問先生是何物云是阿咸葬時物英雄無限俱為土
如何此物傳今古寥寥千載阿咸志憑誰寫出阿咸意
悠然抱此明月腹林下溪邊時一曲十三玉柱秋蟾淨
指底松風四絃冷大絃鳴鳴純且雅小絃切切清且勁
秋高千丈寒泉瀑露滴銅盤碎金玉千巖夜雨猿鶴悲
半夜西風鬼神哭物奇不肯人間住變作孤鶴上天去

長笛續短笛引

并序

戊午歲秋有自長安特遺余名笛數管短長
大小不一余素蓄玉笛因戲作長笛續短笛
引為贈

長笛短笛有指的清濁有氣亦有質李暮吹笛動長安
寓內競推為第一笛聲斷絕續者誰得許雲封繼其跡
落梅宛轉折柳聲許雲封說笛有落梅折柳
二曲雲封李暮之外孫也不止飛砂
將走石石裂雲穿天亦驚吟龍許雲封怨笛雲封烟鎖

不可開直至如今吹不得有客手把昭華琯未應曠代

無人識什襲天然希世珍尤當祗自私珍惜會須奇寶

吐奇聲

宋玉笛賦芳林皓筭有奇寶

邪穢氣隨聲蕩滌靜尋白雪引

流風

開元傳信記云余慮遺忘上清之樂故懷玉笛以手指上下尋之馬融長笛賦中取度於白雪綠水

擬寫幽情聊自適遂據胡牀弄秋月蕭條萬籟沉凝寂

凡奏一疊十二節每發一聲累九息流韻寥亮入太清

嫋嫋餘音遊八極但聞天外鸞鳳鳴豈知海底魚龍泣

高遷亭化為灰燼平陽塢久生荆棘揄揚天下之至音

非為俗聾矜結習伶倫嗟味願從事列和悵然尋屈膝
武昌老人請易業洞庭老人還自失欲儷清歌妙入神
惜無李白生花筆孰知時尚紫雲迴屢變新聲延化日

天祐行

魏創紀勲觀齊宗嘉德樓忍名天祐旌功閣圖寫朱三
在上頭

戰扼孤

我太祖皇帝未始輕出無名之師太祖皇帝

伯父錫巴哈汗為女真之所害南伐中原
此其辭也前戰扼狐嶺下敵之精銳盡於是
役

龍旗天上來神兵落天闕問罪下中原先有扼狐捷勦
敵四十萬一何爭勇決衝鋒競突必奮不待成列矢雨
注鼓雷疊長兵盡短兵接勢霆擊天柱折聲海振地維
絕烈日照雪霜幾何不殄滅若是數百陣然後成帝業
信道守文元不易聖統在垂千萬葉敢忘開國緬良難

太祖新征戰時節

說苑武王伐紂云云
武王曰天落兵也

五禽言

大麥熟簸箕漏麥飯熟即快活提葫蘆沽美酒燒香撥火不如歸去五禽也

我愛五禽言味之殊有味不惟由此知物情更是分明
見天意大麥熟簸箕漏傷時節感農叟麥飯熟即快活
祛頗領畧契濶提葫蘆沽美酒遶溪山占花柳燒香撥
火願言康且壽不如歸去莫饒舌只合吞聲牢閉口

放鴈詞

啣蘆遠避駕鵝聲人間多避海東青冥飛休近雙鳬遊
恐因悞引到天明稻梁足網羅輕湖海多洲汀太虛無
闕且何慕鸚鵡玉籠籠下生與爾全六翮好去恣騰騰
若期寥廓求希有必欲翱翔從大鵬宜審遙弓鳴勿為
虛弦驚古來惟有一更羸

司隼聆駕鵝聲其目可擊者
即縱海青或失駕鵝必及他

禽

採蓮曲

錦雲承露珠盤冷玉女珮環鳴玉井凝歌聲入天鏡來
蘭橈攪碎蓬壺影弄香浮葉一何繁翠蓋霞幢不齊整
可是芳心空自苦凌波無夢唯烟景

長相思

燕子不來花著雨鶯聲巧作烟花主滿庭重疊綠苔斑
斜倚欄干臂鸚鵡清渭東流劒閣深不知消息到如今
相思前路幾回首一夜月明千里心

壺天園歌

三十六洞天七十二福地共春長在一壺中儘可浮游

與一作取沈醉

乾海子

余因六盤之變經西夏信都府過乾海子是
夏其地無雨草萎水涸北中凡陂灤皆謂之
海子

沙葱焦枯沙蓬乾海子乾枯龍子彈顧非海變桑田日
如何一旦無涓滴琴高控鯉遊何許好探麻姑問消息

龍子馬

名也

紀夢

衰草淡烟迷故壘情思迢迢似流水關山目斷鴈聲沉
幾曲欄干悶獨倚倚欄還憶早春時軟軟東風綻桃李
青春如昨歲云暮大抵人生如寄耳如何攜酒對明月
一笑紅塵等白蟻歸來夢蝶惱莊周蝶去悠悠幾千里
吟哦猶在月明下詩就清歡未能已舉手欲折桂枝去
行人青天廣寒裏

松聲行

水淙淙山重重前溪後嶺萬蒼松我來秋雨霽夜宿深
山中霜寒千里龍蛇怒巖谷蕭條嘯貌虎波濤漾漾生
秋寒碧落無雲自飛雨瓏瓏兀兀驚俗聲餘韻飄飏散
碧空悠然策杖出門去方知萬壑生清風清歡一夕無
今古勾引幽人風雅句那堪更被山頭月團圓掛在青松樹

和漢臣秋日海棠

魂黯馬嵬西去路當時生被春風誤嫣然猶自帶餘酲貪

睡那能慰遲暮難寫花仙舊所思
根香愁雪淡胭脂黃
昏庭院瀟瀟雨更是梧桐葉落時

大水行

屯雲墨色日將暮晦明揮霍雨如注
水聲夜半搖匡牀
平旦出門吁可畏盤渦漾瀦吞邊旁
悍流洶湧行中央
日中雨復綆縻下溝塍水躍皆渾黃
黑風拗怒雷擊地
浪頭起立三丈強杈枒老木根株拔
峻嶒古屋椽桷裂
快馬萬蹄迸突而憑陵靈龜百面頽
洞而砢砢銳兵鏖

戰城柵倒猛虎嘯吼崖谷崩旁觀氣奪目力眩瀕流上
下俱不寧升高避害叫舟楫篙工倚柂不敢行寂寥向
晚頗衰落斷霞返照回新晴鳥飛不盡天界濶蒼烟淡
淡山青青銜盃引滿幸無恙收召魂魄猶屏營往年秋
水沈半壁閣門九死得一生今日思之痛方定一見洪
波心震驚吾聞山挾河回衝底柱東峽江束盤投艷瀕魚
龍百怪家其中風濤暴橫無終窮小溪常時清且淺漪
漣不動平於板淺津可涉涉可梁一旦沸騰能澎湃傳

聞潰澌山裂破黑蛟夜出作奇禍抉崖走石勢力粗十
家六七無空廬百年古塚尚漂泊變生倉卒人為魚君
不見去年四月不雨至七月澗谿一綫皆斷絕川居人
昔死於暍山居人今死於溺下田黃塵昔蓬勃高田白
沙今障沒嗚呼災變何其頻勦民之命誰肯任勦民之
命誰肯任蒼天蒼天實照臨

十四夜月

秋風滾地來雲捲河漢淨遙觀東海底飛出黃金鏡雖

未十分圓桂魄明且瑩停盃對清輝信筆成新詠慙慙
舉酒囑姮娥休阻南樓來夜興

夏夜對月

斜陽樓閣西風裏暑氣著人難睡起覺來厭暑登東樓
月明如晝天如水金波漾漾流無聲中秋月好常人情
青天休使浮雲蔽不是中秋月也明

謹上尊大人領省壽

驅馳半世誰能曉一點丹衷天可表中原不忍萬民疾

肯羨蠅蠅利名好桑田晚見白蘋洲天上人間無限秋
筆頭橫掃千人軍詞源倒捲銀河流閒來高卧烟霞裏
笑看浮生等白蟻高歌一笑迴東風春滿漫山桃與李
華堂壽筵張再拜獻壽觴試看南山松栢姿一作樹歲寒
依舊色蒼蒼

仰祝尊大人領省壽三首

帳前驚報天子來臨車下馬無疑猜攀車引袂呼不起
勦勦酣寢聲如雷

風雲千載際會秋堂上
嚴君正黑頭君王一顧聞天下
春滿中原四百州

蒼蒼松栢貫四時造物兒童元是私戲綵
高歌獻壽卮
壽卮願約乾坤期

哭尊大人領省

尊大人領省卧疾日忽謂人曰天帝釋新起
寶輪請吾為記記已成吾為汝輩誦之誦數
過左右無曉書者即忘之又云天上寶刹亦

成鐘聲甚佳謂侍疾者曰汝聽此否乎後數
日有白雲突出帳中如虹蜺然上徹霄漢終
日不絕人皆哭曰公行矣尋薨

孤兒淚眼空血流一夜不知渾白髮寶燈輪畢新記成
夢斷疎鐘吼殘月白雲隱隱入青冥生死悠悠兩長訣
人間天上父子情遺憤有身終盡雪

瑞井行

赤子半入井寧無惻隱心亟走掣其足啼號頃以啗其

親即偕來翕然集四鄰將謂相謝不世思念呼志詰渠
何人令我兒聲哭酸辛中心自誓救顛墜孰顧若輩怨
且嗔君子謀道不謀身

去婦怨

最苦人生生別離忽忽輕別幾時歸紫簫吹落燕南月
麗澤門開馬似飛雨情不定雲來去老鴈叫雲雲不住
琵琶撥盡斷腸聲斷絃聲斷秋風暮

